

MONGOAHA OA

KEREKE EA EFESE

 Morena a le hlohononolofatse.

O teng ka mona ea qhobang e—e Dodge, Dodge e ncha, linomoro tsa laksense ke WX-2129, e emisitsoeng ka nqane ho seterata? O siile mabone a hae, mabone a maholo le tsohle, li khantšitsie. 'Me haeba motho a qhoba koloi eo, khele, tsoa u time mabone a hau. Letsohong le letšeħali feela la seterata, hantle tlase Eighth Street. Ke khlooa e le nomoro ea New Albany eo, WX-2129. Dodge e khubelu, ea moetso oa '59, '60, kapa kae-kae mono. 'Me ha ke a tseba haeba motho ea tsoang nqa e 'ngoe a ne a le teng ka mona kapa motho ea sa tsoa . . . ho tsoa kae-kae. Ho lokile, e ne e le eona. 'Me ntho eo e lokile. Joale, nke ke ka re e lebaloa ke maleiti feela, hoba le 'na ke joalo.

² Be, ruri ho monate ho khutlela tšebeletsong bosiung bona, ho ba le nako e ntle ena ea botsoalle mmoho ho pota Lentsoe. Na le a Le thabela? [Phutheho e re, "Amen."—Mohl.] Oh, ke hantle, re na le nako e babatsehang, e babatsehang feela. 'Me joale re tšepa Molimo o tla re thusa ho tsoelapele.

³ Joale, moena oa ka o tlide le tlapantšo mona, empa le—le lekhutšoane haholo, ha le a phahama ho lekana. Ka hona hosane, be, ke tla leka ho le lokisa mona, ho le leketlisa holimo hore le . . . Ke batla ho taka lintho tse fapaneng tseo ke batlang ho li hlalosa, ka hona feela le ka . . . le ho ikholisahobane le E tšoara kannete.

⁴ Ho bile le . . . Maobane bosiu, kapa maobane, ngoanana oa ka, Sarah, nthoana e batlang e khahleha. Keha 'na le 'mè re tsoma pampirinyana ea hae; a ntse a ngola linoutšu tsa ka. 'Me a ngotse ntho eohle hantle feela, Esaia le Mattheu le sohle. 'Me hantle qetellong ea—ea pampiri, a re " "Me—"me lefu . . . Lebitla ha le sa na ho hlola ho lona, mme motsu oa lefu o ntšitsoe." O batla a le lilemo li supile. 'Me bakeng sa "Tšenolo," a re, "Ke buka ea lihlanamiso." Be, ba itšupa ba leka ho thola lethoana, le hona, ha ba joalo? Ke khlooa ngoanana oa Moena Collins, a lutse morao mane, 'me ba ne ba ngotse ("Hlanamiso"?), "Letsatsi la lihlanamiso," Moena Neville o rialo. O lumellana le eena. Ke khlooa bohle re tlamehile.

⁵ Be, ehlide bohle re thabile haholo. Khele, Morena o a hlohonolofatsa. Ke kene hoseng ho bala, phaposing, ka mora ho isa bana sekolong, ke sa tsoa tsoa nakoana e fetileng; ka ithabela nakong e babatsehang feela. Maobane bosiu, ke balile hofihlela nako e slotse, hape.

⁶ 'Me nako ha e batlile ho ba mashome a mararo kamorao ho hora ea bobeli hoseng ha fihla batho ba tsoa leboea, ba re fumana...ba ntsosa ho rapella ngoanana ea shoang. 'Me ke kholoa Morena a tla mo phelisa. Ba sa tsoa theoha, ho tsoa tlase koana Bedford, Indiana, ho qella ngoanana ho rapelloa. Banna ba babeli ba ne ba etetse tšebeletso maobane bosiu 'me ba khannile tsela eohle ba nyolohela koo, le tsela eohle ho khutla ba theoha, e ntoo ba tsela eohle ho khutla hape. Ba ka tšoha ba khannile bosiu bohole. 'Me ka hona, ho molemo ho tseba batho ba na le tšepo e kaalo 'me ba lumela Molimo.

⁷ Oh, re phela letsatsing le leholo. 'Me joale re emetse, mengoaha ena ea kereke, ho fumana ho fetisang le ho fetisang.

⁸ Joale re leka ho qala pejana bosiu ka bong, re tle re tsoe ka nako. Na le rata seo ho feta? Le ho lumella batho tlamehang ho sebetsa, ho khutlela lapeng ba khone ho ea mosebetsing. Maobane bosiu re batla re tsoile ka metsotsotso e mehlano, e leshome ka morao ho robong, kapa keha ke qetile. 'Me re thabetse bareri bohole ba re etetseng bosiung bona. 'Me ke—ke... Moena Junior Jackson, Moena Carpenter, le moena oa rōna ea tsoang kerekeng mono, le ba bangata kalaneng mona le kantle kopanong.

⁹ 'Me ke boleletsoe kajeno ha thoe motsoalle oa ka ea khabane ea na e na le nna masimong a boromuo, Moena le Khaitseli Andrew ho tsoa tlase setsing sa China, o ne a etetse kopano maobane bosiu. Re bile le nako e babatsehang 'moho koana Jamaica selemong se fetileng sena. Ra ba le nako e babatsehang, e le ha ke nyolohetse lelapeng la bona. 'Me 'na, haeba...ke a ipotsa haeba Moena le Khaitseli Andrew ba le teng bosiu bona ka—ka kopanong? Moaho ona ha o a hahuoa hantle feela, ka hona...Yaa, ba lutse motseo ka morao. Ke a ipotsa na le ka ema ka maoto a lona feela, Moena le Khaitseli Andrew, nakoana feela. Morena a le hlohonolofatse. Re thabetse ho le bona, Moena le Khaitseli Andrew. Ke ba memme ho pota le koano selemo se fetileng ha ke etetse mono.

¹⁰ Joale, ha ke bue hobane ba le teng (Nka bua ho feta moo, empa nke ke ka e bua joale), empa ba seo ke se bitsang baromuo ba mannete. Ha ba ka fihla hosane bosiu, ke tla re bue mona pele re kena. Ke batla le utloe seo masimo a boromuo a leng sona kannete, mohla ba leng morao koana setsing 'me ba se na letho ho...Be, bona ba...ke kholoa ba qetile lilemo le lilemo le lilemo morao mono, 'me ha ba ka ba bona koloi kapa terene, kapa le letho, ka lilemo le lilemo. Le kamoo Khaitseli a neng a luba bohobe ka...A bo phaphatha. 'Me...Joale, boo ke boromuo ba mannete. Moena Andrew a tšoere nalete le khareng 'me e le ngaka, a ba roka ha ba sehuoe. 'Me enereha ha ngaona a...bana ba hlahla, Khaitseli Andrew e be 'melehis 'me Moena Andrew e be ngaka. Ba ne ba itšepisitse bona feela.

¹¹ 'Me eareha masimo a . . . ba tsoang Engelane, Pentekosta ea Boromuo ea Engelane, ho itsoe ba "tsofetse haholo ho khutlela masimong." (Ke tla le bolella ke baromuo hakae, ha ba batla ho ikhethela setulo se bonolo ba lula fatše) ba tsoile ka bobona, ho khutlela motšeo koana Jamaica le kantle mono mosebetsing oa boromuo joale. 'Na le Moena Fred Sothmann mona re fuoe monyetla oa ho etela lelapa la bona, 'me ba re bontšitse nako e babatsehang; ka mosa oo—oo Bakreste ba ka o aparang. 'Me ke a le bolella, ha ke bue sena ho . . . Nka mpa ka ba nea palesa ea rosa hona joale sebakeng sa likhare mohla ba seng ba iketse. Ke a le bolella, ke Bakreste ba makhonthe. 'Me ke boleletse mohatsa ka re Khaitseli Andrew e ne e le e mong oa basali ba Bakreste ba mosa, ba lokileng bao motho a ka kopanang le bona. O mpa feelsa . . . semelo sa hae se bopeletsoe ho Kreste, hape; le Moena Andrew, hape. Ka hona, kea khlooa bohole le ba bone ha ba ema, ke batlile ha ekreke ena eohle e ba tsukutla ka matsoho le ho ba utloa pele ba tsamaea.

¹² Joale, hosane, ha Morena a ratile, khele, re a . . . hosane bosiu re qala ka mongoaha ona oa kereke ea bobeli. Bosiung bona re qala ka mongoaha oa kereke ea pele. Ke khlooa Morena esale a re boloketse lehlohonolo.

¹³ 'Me le hopole, joalokaha ke buile pele, linthong tsena re ka se lumellane ho latela—ho latela thutabomolimo. 'Me boholo ba matsatsi a ka ke a nkile ho boranalane ba kholisitsoeng, ba se leeme, ba mpa ba ngotse linnette feelsa, e bang e le eng, seo likereke li se entseng. 'Me 'na . . . Ehlide, karolo e Mokhethoa ea koahollo, ke leka ho e bea mono ka bona, ka bokhoni ba tsebo ea ka. 'Me ka linako tse ling ha ke bua ka thata kapa ka ho khahlapetsa joalo, ha ke a e rerela joalo. Mang le mang o tseba seo, ea ntsebang, ha ke a ikemisetsa joalo. Ke mpa ke batla . . . Empa ho thakhisa ntlha ka thata, u . . . Ho tšoana le ho khokhothela sepekere botong, ha u se hloma mono feelsa, hase tiisetse. U tlameha ho se kokotela fatše le ho se thakhisa, ho se ngomela. 'Me ke leka ho etsa joalo. Hase hobane ke tla leka ho se lumellane, hoba ke buella mekha eohle ea malumeli le joalo, ka hona ha e . . . seo.

¹⁴ Ke boletse khafetsa, ho tšoana le ho tšoaea makhomo. Ke hopola mohla ke lutseng ba ntse ba . . . mohla sehla sa ho phutha makhomo, ho phutha likhomo ho a kenya morung, 'me ka thusa ho khannela likhomo teng, seo ba se bitsang motero oa ho fulisa moo Setlamo sa Hereford se fulisang e—e Phuleng ea Noka ea Troublesome. 'Me ke lutse mono moomo oa ka o khoapetse selota sa qhana, ke shebile moetapele ha a beile makhomo ana leihlo ha a feta lekhoaakhoa la ho fulisa.

¹⁵ Joale, u tlameha ho fumana . . . ke mohla u kenang setšeng sa goromente, 'me u tlameha ho lema tono ea furu pele u ka hlahlela khomo makhulomg. 'Me polasi ka 'ngoe e hlahisa furu e baliloeng, makhomo a makana, ba ka a amohela ke hona.

¹⁶ Joale, ba fetile mono ka mefuta eohle ea litlapiso holim'a eona. Ba bang ba tšoere "Tšiea ea X." Mongh. Grimes hantle mabapi le rona a tšoere "Taemane T," T ntlheng e 'ngoe ea taemane. Ho ntoo ba le "Lazy K," hantle holima Noka ea Troublesome. Ea rōna e le "Mehlala ea Kalakunu." Katlasana ho rōna e le "Maotoana Mararo." Khorong ho feta litlapiso tsa mefuta eohle.

¹⁷ 'Me ka bona moetapele a sa tsotelle litlapiso tseo hakaalo, a sa li nkele hloohong. Ka linako tse ling li lephakong la khomo, a ke ke a li bona. Ka hona e—e se litlapiso tseo a li shebileng. A mpa a ikholisa ka ho le hong, ha ho khomo e fetang e sa qhoaela setlankana sa mali tsebeng ea eona. E ka khona e be Hereford ea peō ho seng joalo ha e kene morung oo. Tlapiso e sa etse phapang e kaalo, empa e ne e le setlankana sa mali. 'Me ke kholoa ho tla ba joalo kahlolong. Hase seo re tla beng re se qhoacetse, empa O tla sheba setlankana sa Mali, "Ke tla bona Mali, Ke le fete holimo." [Moena Branham o bua le Moena Gene ka khokahano ea maekrofounu—Mohl.] Joale, na ke batla ke fositse, Gene, na ke joalo? Molumo o neeletsanang. Ho lokile... Ke tsamaiso lipakeng tsa bobeli boo, na ho joalo? Ho lokile. Ke a u leboha Moena Gene. Ho lokile.

¹⁸ Joale re tla leka ho tsoa pejana nakong hape bosiusa, re tle re khutle hosane bosiu 'me re nkane le mengoaha ena. 'Me ke tla le bolella, ke thatafalloa haholo ho koetla lintho tse ling tse kholo tse robetseng moeling oa tsela; ho leka feela ho li qhaqholla tsohle bosiusa bo le bong. Le a tseba, tlhaho ea ka e batla e le joalo, empa re tlameha feela ho li koetla hofihlela bosiu ka bong.

¹⁹ Joale, pejana re qala re bala Buka ea bokhosi, ke a ipotsa haeba re ka ema nakoana feela... Fetalang malulo a lona a... re sa ema, bao ba khonang. 'Me ha re inamiseng lihlooho tsa rona joale, re le mahlonoko, polelong ea thapelo:

²⁰ Ntata rōna ea Maholimong, re boela re atamela Terone ea Hau e kholo e Halalelang, ho tumelo ea rona e sa tsokotsehe, hoba re tla kahobane re menngoe ho tla. Re ke ke ra italeha re tla ka lebitso la kereke e itseng leha e le bolumeli ba mofuta, kapa ka lebitso la kereke ena, kapa ka lebitso la rona, hobane mono re ke ke ra kholiseha, hore re ka atleha ho kenela therisano ena le Molimo kapa che. Empa mohla Jesu a re boleletseng, "Ha le kopa Ntate eng le eng ka Lebitso la Ka, Ke tla le etsa," ka hona re tseba re tla ka Lebitso la Jesu, U tla re utloa, Ntate.

²¹ Re thabile haholo ho bala ka bashoelatumelo ba litšiu tse fetileng, kamoo ba tiisitseng mapaki a bona ka mali a bona, ka hona, Ntate, re ikutloa re etsa hanyenyane letsatsing lena. 'Me ke a U rapela, Morena, U tle u re tšoarele bohlaso ba rona—ba rona—ba rona, boitšoaro ba rona, nqa mosebetsi oa Hau. 'Me re U rapela ho re tlotsa bocha re sa bala Lentsoe la Hau, 'me re bona lihloriso tse kileng tsa liheloa litšiung tse fetileng ho

hlahisa folaga ea Kereke e kholo ena eo Molimo o phelang o ithuetseng eona.

²² Ke a U rapela, Ntate ea Maholimong, ho bua le rona bosiung bona kaha re sa tsebe seo re ka se buang; re mpa re emetse 'me re kopa thapelo ena mona hobane re ka pel'a Sefahleho sa Molimo kahara Kereke ea Oona, re kopa Moea o Halalelang o holima batho bana o tla teanya matla a Oona bosiung bona le ho tsokoletsa Evangelii pelong e 'ngoe le e 'ngoe, re tle re fuoe kemo e ncha le tšepo e ncha bakeng sa mongoaha o tlang ho tla. Aba sena, Morena, hoba re bona sefate sa feiga se hlahisa menoko ea sona 'me Israele e fetoha sechaba, 'me matsatsi a Balichaba a nyamela a baliloe, 'me re shebeletse ho fihla ha Molopelli e moholo, Morena Jesu Kreste oa rona.

²³ Tsamaea hara rona, Morena. Joalokaha re boletse maobane bosiu, "U tsamaea hara likandelare," aka tsamaee hara rona bosiung bona, Morena. Le ho lemosa lipelo tsa rona ka bokhopo bo lari leng kapele, le ho re fa kutloisiso ea Lentsoe la Hau, hoba re e kopa ka Lebitso la Jesu. Amen. Ho ka luloa fatše.

²⁴ Joale, ke buile letsatsi ka leng, ke leka ho ngola tse ngata kamoo ke khonang pampiring, matsatsi, libaka, le lintho tse joalo, hobane re atamela ketsahalo ea nalane. E ne e le nalane, 'me joale re a theoha, hape, ho e bapisa le nako.

²⁵ Joale, Sontaha hoseng le Sontaha thapama . . . kapa Sontaha mantsiboea, ke rialo, re ne re kene nakong e tlottlehileng. Ke kholoa re entse joalo. Ke entse joalo, ka bonna. Le ka Tšenolo . . .

²⁶ Joale, re ntse re hlahloba eng? Tšenolo ea Jesu Kreste. 'Me re fumana Molimo o bontšitse tšenolo le hore E ne e le mang? Ntho ea pele eo re e fumanang, hara litšenolo tsohle, Molimo o tsebisitse hoba E ne e le mang. Hore, Jesu e ne e se moperesone oa boraro oa botrintase, E ne e le botrintase ka botlalo. E ne e le Ntate, Mora, le Moea o Halalelang 'moho. 'Me eo e ne e le tšenolo. E boletsoe hane khaolong e le 'ngoe, ha thoe E ne e le Molimo o Matlaohle; Ea neng a le teng, ea leng teng, le ea tlang ho tla; Motso le Lehlomela la Davida.

²⁷ Joale re a fumana, ka hona, linthong tsena re tla leka ho li hlakisa boholo, hobane ha ke tsebe mohla re tla boela re E utloa hape, mohlomong lekhale, hofihlela nako e sa hhole e le teng 'me e nyamella Bosafeleng. 'Me joale, jolokaha ke bua, ho ka ba le baena ba bangata, baruti ba koetlehileng ho bua ho mpheta, koana ba ka e koaholla hantle ho feta, empa Molimo o beile pelong ea ka ho e phethisa 'me nka ba moikaketsi ha ke sa bue ka tšoanelo seo ke se hopolang se lokile. Le a bona? Ka hona, kamehla ke—ke batla ho hlakisa pela Molimo, ka linako tsohle, ho re "Ha ke a ka ka tsoafa," joaloka Pauluse ha a buile, "ho le hlokomelisa motšhare le bosiu, ka meokho, hore kereke e tle e eme lekhatheng leo." Tahleho ha e le teng, ho se fumanoe mali matsohong a ka, hobane ke batla ho hloka molato maling a batho

bohle mohlang oo. Ka hona haeba le fapano le hoo, khele, hoo, ho etsoe ka setsoalle se monate feela, ho tla itokela feela. Joale, empa, ekaba Morena o tla re senolela se tlang ho re thusa bohle.

²⁸ Joale, ntho ea pele, re Mo bona a Itšenotse. Joale re a utloisia hore E ne e le mang.

²⁹ Joale, ho theoha joalo, joalokaha ke qotsitse qotsi eo e mabapi le ho fafatsa, le kolobetso ka lebitso la “Ntate, Mora, Moea o Halalelang” e le kolobetso ea Katolike e se kolobetso ea Moprotestanta kapa kolobetso ea Testamente e Ncha, ke tšepa ke e hlakisitse. ’Me ke kopile motho ofe ho mpontša mongolo oa Lengolo moo motho mang a kolobelitsoeng ka Bibeleng kapa ho fihlela K’hansele ea Laodisea moo ba bopileng kereke ea Katolike, moo motho ofe a kileng a kolobetsoa ka lebitso la “Ntate, Mora, Moea o Halalelang,” mpontše hle. ’Me ke tla ngola mokokotlong oa ka, “moporofeta oa bohata,” ’me ke haole seterateng. Joale, ke sa tsoa etsa seo... e seng ho khohlala, empa e le ho le bontša hobane ke ’Nete. Le a bona?

³⁰ Joale, ebile mona Bibebe e Mo senola, E le Molimo o Matlaohle, nama hara rona. Le a bona? Ha ho Ntate, Mora, le Moea o Halalelang; hase melimo e meraro, kapa Molimo o le mong o petsotsoeng libaka tse tharo. Ke Molimo o le mong o sebelitseng ka liofisi tse tharo: ea Bontate, Bomora, le Moea o Halalelang. Molimo o theohang ho tsoa tšimong ea Edene, o lekang ho menahana le mehlala ea Oona ho khutlela lipelong tsa batho, ho phela le ho ba bara le barali ba Molimo hape ’moho le Oona. Ke Molimo holima rona, Molimo le rona, Molimo ka ho rona. Ke eona phapang. Le a bona?

³¹ ’Me joale lintho tseo, ’me Bibebe e senola seo mme e se buile e hlakile khaolong ea 1 ea Tšenolo; e leng eona feela Buka Bibeleng, kahara Testamente e Ncha, folaga eohle ea Testamente e Ncha, ke eona feela Buka eo Jesu a e tiisitseng ka tiiso ea Hae. ’Me O boletse, qalong ea Eona, “Ho lehlohonolo ea balang le ea utloang.” ’Me qetellong, O itse, “Ekareha e mong a tlosa karolo efe ea Eona, leha a E ekeletsu letho, le eëna ho tla tlosoa, kabelo ea hae, Bukeng ea Bophelo.” Ka hona ke thohako ho mang ho tlosa letho, ena ke Tšenolo e tletseng ea Jesu Kreste. Ka hona haeba re Mo etsa boraro, le tseba se etsahetseng. Le a bona, lebitso la hau le a tlosoa.

³² ’Me ha ho mang, ha ho Moprotestanta, ha ho kereke efe ea tšimoloho e lumetseng melimo e meraro. E ne e le tabahali K’hanseleng ea Nicene, ’me bobeli ba hloella makaleng; ho tsoa ka mokhoa *ona*, re ka rialo. Matrintase, batho ba *botraunite* ba lumetseng botrintase, qetellong ea bopelloa kerekeng ea Katolike, ba ile ba fapohela hobotrintase bo tletseng, ho fetola batho ba “bararo” Molimo. ’Me ha ba le e mong ea lumelang Molimo o le “mong,” eaba o khelohela ho bounitariane. Bobeli boo bo positse. Molimo o ke ke... .

³³ Jesu a ka sitoa ho ba ntate oa Hae ka sebele, 'me le Jesu a ba le ntate 'me E be...ekabe'ba melimo e meraro. E—e ke ke ea sebetsa. Hobane haeba A e na le ntate, 'me ntate e le monna e mong ea hosele le Eena, ekabe'ba O na le... 'me Moea o Halalelang e le e mong, Ke ngoana bonyatsi. Bibele e itse Moea o Halalelang e ne le Ntate oa Hae. 'Me haeba re na le Moea o Halalelang, ekabe'ba hase Moea o Halalelang, ke Ntate ka ho rona ka lebitso la Moea o Halalelang, a sebelisa ofisi e leng ka ho rona, hobane o kile oa aha ho monna ea bitsoang Moea, le ho khutla mme joale O ka ho rona, eena Jehova Molimo oo. Le a bona?

³⁴ Ha ho melimo e meraro. Melimo e meraro ke bosalumele le bohetene, 'me ke taba e tloletseng ka koano. 'Me ha u ka lula tsamaong ea veke u se leeme, empa ho sheba, ho e nka, nalane. Ho nka tsona lihistori joaloka nna ka kapa tsa mang, nalane efe. Ho e tsebisa feela, linalane tsohle li lumella li tšoana. Boranalane bao ha ba emele lehlakore lefe, ba thahasella ho teka linnete feela, se etsahetseng. 'Me le shebe hantle kamoo ntho eo e hahabileng ka Luther le ho tsoa ka Wesley, e ntano senoloa matsatsing a qetelo, kolobetso ka Lebitso la "Ntate, Mora, le Moea o Halalelang." Le shebe feela moo e keneng kerekeng ea Katolike, Mengoaha e Lefifi, ho tsoa ka Luther, ho theoha ka Wesley, empa lipakeng tsa Wesley le Laodisea (qetellong) e ne e tla pepesoa. Ke hantle. Joale, 'me hona hohle ke nalane, 'me hase nalane feela, empa ke Bibele.

³⁵ 'Me joale, bosiung bona, re atamela Mengoaha e Supileng ea Kereke eona e ne e le likereke tse supileng tse Asia e Nyenyane mehleng ea ho ngola Buka. Likereke tsena mehleng eo li tšoanetse li be li ne li fupile litšobotsi tsa mengoaha ea kereke e tlang ho hlahlama, hobane seo... Likereke li ne li le ngata ho feta moo, kereke ea Kolose le tse ling tse ngata mehleng eo, empa Molimo o hloaile likereke tsena ka baka la litšobotsi tsa tsona.

³⁶ Joale, re Mo fihlela a eme mahareng a likandelare tse supileng tsa gauta, A tšoere linaleli tse supileng letsohong la Hae. 'Me linaleli tse supileng tseo, O boletse, temaneng ea 20 ea khaolo ea 1, ha thoe "Ke mangeloi a supileng a likereke tse supileng."

³⁷ Joale, Bibeleng ha ba utloisia Tšenolo ena. Hobane, molemo ekaba ofe ho ema le ho shebella athe ba tsebile ho tla fihla likete tsa lilemo pele Jesu a fihla? E ne e sa abeloa bona.

³⁸ 'Me ke bolella bana, lona batho mona, lona batho ba Katolike, lona Lutheran, lona Methodise, le joalo, le ne le sa abeloa Martin Luther, Leseli le chabetseng Lentsoe kajeno. Hape ha le a abeloa John Wesley. John Wesley o rerile khalaletso eo Luther a e fetileng mohoalotso. 'Me Leseli le fihla kamoo re hlokang Leseli. Molimo o a E bolela, 'me ha e a buleloa rona hobane E patetsoe mahlo a rona hofihlela letsatsi leo Molimo o tsebang ho E senola. Ke a ipotsa ho tla ba joang hoba re falle?

Yaa, ke khotsoe hobane lintho li ngata, li ngata haholo tseo re sa tsebeng letho ka tsona. Ke hantle. Litiiso tse Supileng, holane ra nka Buka ea Tšenolo ka bottalo, e tiisitsoeng ka morao ho Buka. Ebile ha e a...ha e a ngoloa ka Bukeng. 'Me Litiiso tseo li tla manolloa mehleng ea mongoaha oa kereke ena, 'me liphiri tse supileng tsa Molimo tsa ho qetela li tla tseb-...tsebisoa. Oh, nka rata ho e tšoara mariha ohle le ho haola le Eona. E, monghali! Mengoaha e Supileng ea Kereke.

³⁹ Joaloka Daniele ea utloileng lialuma tse supileng, a nto thibeloa; le Johanne o utloile mantsoe, eaba Buka ena e a tiisoa, 'me bokamorao ba buka ba tiisoa ka Litiiso tse Supileng; empa matsatsing a ho manolloa ha Litiiso tsena, "Sephiri sa Molimo se tla phetheha." Ka mantsoe a mang, Molimo o tla tsebahatsoa Kerekeng ea Oona; e se batho ba bararo, empa e le Moperesone a le mong. "Sephiri sa Molimo se tla senoloa," 'me hoba seo se senoloe ka bottalo, ke moo liphiri tse supileng tsena li tla manolleo Kereke; hobane, ka mono, Kereke e tla be e phela tlasa pululelo ea Moea o Halalelang, e le Eena ea kenang a tsoa a bontša lipontšo tsa Hae a phela hara rona, ho phela hara rona, ke moo re tla beng re rapela Kreste ea phelang hara rona.

⁴⁰ Le se shebe likereke tse kholo le lintho tse kholo le ka mohla. Mohla re fihlang mongoaheng ona oa Pentekosta, le hlide le tla bona moo ba lahlehetsoeng teng. Eona kereke *Laodisea* e bolela "morui, ea sa hlokeng letho," le ea feela, malimabe, sefov, soto, athe ha a tsebe. Le a bona? Ba tlohile ba sala chelete e ngata morao, le meaho, le ntho ka 'ngoe esele.

⁴¹ Athe, esale Kereke e le—e le mokhesuoa oa lefatše. 'Me e ne e le bana: ho hlouoa ke batho bohole, ho lelekeloa kantle, liphachising, hohle moo ba ka phelang. Balang Baheberu 11, le nke litemana tsa ho qetela tse tšeletseng kapa tse robeli tsa eona, kamoo "ba phaitseng hohle mahoatateng, ka—ka matlalo a linku le ka matlalo a lipoli, e le bahloki, le bahlorisoa, le ba tubjoang." Batho bao mono, bopaki ba rona bo tla ema joang mabapa le a bona ka letsatsi la Kahlolo? Le a bona, batho bao ba letsatsi leo.

⁴² Joale, mongoaheng oa kereke ena... Re na le likereke tse supileng, joale ke batla ho e phutholla. Ha ke hopole le ka e bona ho tsoa mona, bang ba lona haeba le khona, ke e belaela haholo, empa ke tla e leka, (Ke a tseba le ka sitoa, ha le lutse tlase mono), ho e etsa Mengoaha e Supileng ea Kereke. Ke tla e tšoara letsohong la ka le tle le utloisise.

⁴³ E a qala, Kereke e qala Pentekosta. Na motho a ka latola taba eo? Che, monghali! Kereke e qala Pentekosta ka Lehlohonolo la Pentekosta, 'me e tlotsitsoe ke Jesu Kreste ho tsoella hofihlela letsatsi la ho qetela ka Molaetsa o tšoanang le ka lona lehlohonolo le sebetsang ka ho rona. Thomo ea Hae ea ho qetela Kerekeng ea Hae, Mareka 16, "E-eang ka lefatše lohle, le boelle Evangelii, mehlolo ena e tla tsamaea le ba lumelang."

Joale, hofihlela kae? "Lefatšeng lohle." Ho mang? "'Mopuoa e mong le e mong." Ea motšo, mosootho, mosehla, mosoeu, e ka bang 'mopuo a ofe, bolella 'mopuo a e mong le e mong Evangel. "Mehlolo e tla tsamaea le ba lumelang ke eona ena." Joale, bosiung bona re kuta nttha, re a qala re poma re kena bosiung bona, bosiu ka bong re poma leqhetso la Eona haholoanyane re be re fihle tlase mongoaheng oa kereke ea rona. Joale, re fumana e ne e le thomo ea Hae eo.

⁴⁴ Joale, mongoaha oa kereke ea pele e ne e le kereke ea Efese. Mongoaha oa kereke ea bobeli e ne e le Smirna. Mongoaha oa kereke ea boraro e le Pergame. Mongoaha oa kereke ea bone e le Thiatire. Mongoaha oa kereke ea bohlano e le Sarda. 'Me mongoaha oa kereke ea botšeleta e le Filadelfia. 'Me mongoaha oa kereke ea bosupa e le Laodisea.

⁴⁵ Joale, mongoaha oa kereke ea pele o batla o qalile ka A.D. 53, mohla Pauluse a theang kereke mane—mane Efese. Leetong la hae la boromua, o theile kereke mane—mane Efese, kereke ea Efese, 'me o e alositse hofihlela a pongoa hlooho ka 66, o batlile a aloasa kereke ea Efese lilemo tse mashome a mabeli le metso e 'meli. Kamorao ho lefu la hae ha re bolelloa ho thoe Santa Pauluse . . . kapa Santa Johanne ea khethehileng o ile a beoa molisa oa kereke a e ntšeletsa hofihlela mongoaha ona, 'me kereke ea phalla hofihlela 170.

⁴⁶ Ka mora Mongoaha oa Kereke ea Efese, ho tloha ka A.D. 53 hofihlela A.D. 170, ha qala Mongoaha oa Kereke ea Smirna o huteng ho tloha ka A.D. 170 ho isa ho A.D. 312. Ho ntano kena Mongoaha oa Kereke ea Pergame, 'me Mongoaha oa Kereke ea Pergame o qala ka 312 o hula hofihlela ho A.D. 606. Ho ntano kena Mongoaha oa Kereke ea Thiatire, 'me mongoaha oa kereke ea Thiatire o qala ka 606 ho isa ho 1520, Mengoaha e Lefifi. 'Me Mongoaha oa Kereke ea Sarda o qala ka 1520 o hula hofihlela 1750, mongoaha oa Lutherane. Ho tloha ka 1750, mongoaha o hlahlamang o kena ka Filadelfia, mongoaha oa Wesley; ona o qala ka 1750 'me o hutse hofihlela 1906. 'Me ka 1906 ha kena Mongoaha oa Kereke ea Laodisea, 'me ha ke tsebe mohla o tlang ho fela, empa ke lepa hobane o tla be o felile ka 1977. Ke a lepa, hase hobane Morena a mpoleletse, empa ke lepa ho latela pono eo ke e bontšitsoeng lilemong tse fetileng, ha thoe, tse hlano linthong tseo li (ho tsoa ho tse supileng) li se li etsahetse.

⁴⁷ Mabapi . . . Ba bakae ba hopolang pono eo, ka kerekeng? Ehlide. Ha thoe, esita le Kennedy o tla khethoa likhethong tsena tsa ho qetela. Kamoo basali ba tla lumelloa ho vouta. Kamoo Roosevelt a tlang ho kenya lefatše ntoeng. Kamoo Mussolini a tla ea Ethiopia, phutuhelo ea hae, le ho e hapa; e tla ba bofelo, o tla shoa ka mora moo. Kamoo mekha e meholo ena e tlang ho hlaha le ho oela morao ho Bokomonisi; Bohitlelara, le Mussolini, le Co- . . . Bonazi, le joalo-joalo, bo tla oela morao ho Bokomonisi. 'Me lilemo tse leshome le motso o le mong pele, e

boletse “Re tla loana le Jeremane, ‘me Jeremane e tla sireletsoa le konkreiti,” Lerako la Maginot. E hlahile hantle feela. Ha thoe, ka mora moo, ho fihle mohla . . . mahlale a saense a tla hatela pele hofihlela ba sibolla koloi, makoloi a tla ipha seboleho sa “lehe” ho feta ka linako tsohle. ’Me pono eo ea boleloa hantle mona moo Church of Christ e emeng joale, mane lehaeng la khale la Mes- . . . likhutsaneng. Charlie Kern, mohlomong o ka mohahong bosiung bona, o ne a ahile tulong eo mehleng eo. E hlahile hoseng ha Sontaha se seng ekaba hora ea bosupa. ’Me Ea re, “Mohlang oo ba tla sibolla koloi e sa hlokeng seterevili, e tla laoloa ka matla a mofuta.” Ba e tšoere hona joale. Ba e tšoere joale, ka matla a makenete, e laoloa ka radara. Ebile ha ba . . . ke ho cheha radara ea hau feela moo u eang teng, e u isa ka boeona, ha u a tlameha ho sotha letho.

⁴⁸ Joale, ‘me ka mono ea bolela, “Mehleng eo, mosali e moholo o tla ema United States.” A apere a le motle, a mpa a le khopo pelong. ’Me kahara masakana ke ngotse ponong, ka pampiri e tšebla, ho re, “ekaba kereke ea Katolike.” ’Me erekaha basali ba lumeletsoe ho vouta ba tla thusa ho khethela sechaba sena motho ea phoso. ’Me ba entse hona hoo. Ka nepo. Joale, ha thoe, “Eo e tla ba tšimoloho.”

⁴⁹ Joale e buile ntho e ‘ngoe, ha thoe . . . Hang ka mora tseo, ka bona sechaba sena se tuka, se phatlotsoe feela. Joale, haeba lintho tseo li etsahetse, le e ‘ngoe ena e tla etsahala. Re moo . . . Lebaka leo ke leng mona bosiung bona ho leka ho e tlisa sena ho tekela batho bana ba Jeffersonville mona, hoba ke mothating oa ho kenela boromuo a haufinyane hape, ‘me ha ke tsebe mohla ke tla bitsoa kapa ho nkkeloa holimo. Ha ke—ke . . . ha re tsebe seo. ’Me ke batla ho ikhola ho re ke . . . ho lumella kereke ho tseba hora eo ba phelang ho eona, hoba Molimo o Matlaohle o tla ntjarisa boikarabelo ba eona.

⁵⁰ Joale—joale, e ‘ngoe le e ‘ngoe ea likereke tsena, ho latela Lengolo mono, ebile le lengeloi. ’Me lengeloi e le . . . Ba ba kae ba tsebang *lengeloi* le bolelang? Ke “moromuo a,” moromuo a. ’Me ha bile le—bile le *mangeloi a supileng* a likereke tse supileng, a lekanyang “baromuo a ba supileng.” Joale, e ne e le linaleli tse letsohong la Hae. ’Me ka letsohong la Hae tsena—tsena tse leshome le metso le metso e ‘meli . . . linaleli tse supileng tsena li ne li tla halimisa Leseli la Boteng ba Hae mohla bosiu boo re phelang ho bona. Joalokaha linaleli li halimisa letsatsi lefatšeng, ho re chabisetsa leseli ho hata teng, re khona ho hata nakong ea bosiu.

⁵¹ Joale re a fumana, mehleng ena, hoba lengeloi ka leng ne le fuoe maemo le sebaka. ’Me, baena, bosiung bona ha re fihle ho eona, hobane re tseba lengeloi lena la kereke ea pele, empa e tla ba sephiri le ntho e tlotlehileng ho e hotolla nalaneng, ka pela lona, *mangeloi a likereke tse ling tsena*. Lengeloi la kereke ea pele e ne e le Santa Pauluse, o e theile, moromuo a oa Molimo.

Lengeloi la kereke ea Efese e ne e le Santa Pauluse. Kereke . . . Joale, lebaka leo ke . . .

⁵² Joale, ba bang bana ba ka e hanelia, empa ke ile ka lula mono matsatsi le matsatsi tlasa pululelo hofihlela ke utloile Moea o Halalelang o nthahela o ntlotsa. Lebaka leo ke tsebang. 'Me le shebe banna bana ba hloauoeng, haeba u le ranalane, bao . . . Bona banna bao ke ba tšoereng mona, le ho ba tseba e ne e le mangeloi a kereke ka tšenolo, keha ba tšoere eona tšebeletso ea bana tšimolohong. 'Me bosebeletsi boo ha bo ke bo fetoha, bo tšoanelia ho tiisetia pentekosta tsela eohle.

⁵³ Joale, boranalane ba lutseng mona ba tilo hanana le 'na ka monna enoa; empa ho kereke ea Smirna, ke tseba lengeloi la letsatsi leo e le Irenease. Polikapo, bongata ba lona le ka re Polikapo, ke rialo, le ka re e ne e le eena. Empa Polikapo haholo o ne a sekametsi mokhatlong le ho borapeli ba Katolike, bo neng bo tla latela. Empa Irenease e le monna ea buileng lipuo, a ruile matla a Molimo, a lateloa ke lipontšo. Ebile lengeloi la Molimo la Leseli, a tsoellisa Leseli ka mora thakhiso ea Polikapo kapa polao, phenetho ea hae, Irenease e le e mong oa baiuthutoana ba hae, athe Polikapo ebile moithutoana oa Santa Pauluse . . . kapa Santa Johanne. Irenease a ntoo tlatsa malulo a hae, a chabisa Leseli.

⁵⁴ 'Me lengeloi la Leseli la—la Pergame ea e ba Santa Martin e moholo. Ha ke kholoe ho kile ha phela monna ea fetisang ka boholo lefatšeng, kathoko ho Jesu Kreste, ea fetisang Santa Martini ka boholo. Matla? Bafenethi ba tlie ho mo poma hlooho (o lumetse lipontšo le meeka, le Lehlohonolong la Pentekosta), ha ba fihla, ba tla mo fenetha, eaba o hlobola seaparo sa hae a ba phetlela molala oa hae. Eareha mofenethi a tsomula sabole ho mo poma hlooho, matla a Molimo a mo lahlela morao koana, a ba a khasa ka mangole a mo kopa ho . . . ? . . . Amen. E ne e le lengeloi la kereke.

⁵⁵ Lintho tse ling. Shebang kamoo a . . . E mong oa baena ba hae hoba a fanyehoe, a tloha ho ea 'matla, ho bona se hlahileng. Ha a fihla, ba se ba mo fehile. A robetse a sataletse, e le mofu, mahlo a phethohile hloohong ea hae. A kena ho eena a oa ka mangole a mo hamarela ka 'mele oa hae hora, a rapela Molimo. Eaba matla Molimo a tšoara monna a tsoha, eaba o mo tšoara ka letsoho ba ikela hantle mono. Eo ke nalane, joaloka George Washington, Abraham Lincoln, kapa eng hape. Ke nalane.

⁵⁶ E, monghali! Santa Martini ebile lengeloi la kereke ea Pergame, etsoe, lenyalo la kereke le ba sotetsa ho Bokatolike ka mora moo.

⁵⁷ Lengeloi la kereke ea—ea Thyatire ebile Columba.

⁵⁸ Lengeloi la kereke ea Sarda, kereke e shoeleng . . . Lentsoe Sarda le lekanya "shoele." Ho tsoa ka lebitso, e seng ka Lebitsa la Hae, "Empa ka lebitso le reng u a phela, athe u shoele." Le

shebe kamoo ba tsoileng ka kolobetso letsatsing leo. Le a bona, ho tsoa ho eona. Lengeloi la kereke ea Sarda ebile Martin Luther, mohlabolli oa pele.

⁶⁹ Lengeloi la kereke ea Filadelfia ebile John Wesley, moromuoa.

⁶⁰ Athelengeloi la kereke ea—ea Laodisea ha le eso tsebjoe. Le tla tsebjoa ka letsatsi le leng, empa mohlomong koana... o holima lefatše. “Ea nang le tsebe...” [Sekheo lebanteng—Mohl.]... ho tseba hoba ona ke mongoaha oo re phelang ho ona. Molimo o tla ahlola seo.

⁶¹ Joale, lemohang joale, re tla nka Mangolo joale, ho khutlela morao mongoaheng oa kereke ea pele. Joale ke rata ho... Nka rata ha le mamela linthoana tseo ke li ngotseng fatše mona ka hloko.

⁶² Kereke ea pele, kereke ea Efese, mesebetsi ea kereke, seo Molimo o ba khalemetseng sona, mesebetsi e se nang lerato. Moputso oa bona ebile Sefate sa Bophelo.

⁶³ Kereke ea Smirna ebile kereke e hlorigoang, e fetile matšoenyeho. Moputso e ne e le moqhaka oa Bophelo.

⁶⁴ Kereke ea boraro, Pergame, mongoaha oa thuto ea bohata, leshano la Satane, le motheo oa boreba ba mopapa, lenyalo la kereke le nahā. Moputso e ne e le manna a patiloeng le lejoe le lesoeu.

⁶⁵ Kereke ea Thiatire ebile kereke ea keko ea mopapa, Mengoaha e Lefifi. Moputso ea eba matla le ho busa lichaba, le Naleli ea Meso. Ke mohlatsoana oo o ileng oa phunyeletsa.

⁶⁶ Kereke ea Sarda e bile mongoaha oa bohlabolli, boromuoaboholo... kapa e seng boromuoab, empa mabitso a patiloeng, ba ne ba tšoere mabitso a bona. ’Me moputso e bile liaparo tse tšoeu, le lebitso Bukeng ea Bophelo (le tlamehang ho ema kahlolong). Re ne re e tšoere tsatsi le leng, Buka ea Bophelo; le tla ahloloaka Buka ea Bophelo. Bahalaleli ba fetoloa ’me ba nkoad kantle ho seo, ha ba fihle mono.

⁶⁷ Mongoaha oa Kereke ea Filadelfia e ne e le mongoaha oa lerato la boena, mongoaha o moholo oa thomo le mongoaha o moholo oa boromuoab, monyako o butsoeng. ’Me moputso e ne le e—e tšiea. Ho senola mabitso a Molimo ho ne ho tla etsoa mehleng—mehleng ea mongoaha ona, ha o ne o tsoa ka bo 1906. Ho lokile.

⁶⁸ Mongoaha oa Laodisea e bile kereke e fofo, e ruileng, manoni, e sa hlokeng letho; athe e malimabe, mofutsana, sefotu, le malibabe, le feela. ’Me moputso e bile ho lula le Morena Teroneng, ba hlolang mongoaha oo.

⁶⁹ Joale ho e qhaqholla, bosiung bona, ho le bontša lethoana latšebeletso ea bosiu bona, re tla nka khaolo ea 2, mongoaha oa kereke ea pele. Joale re...

O senotsoe 'me re tseba hoba Ke mang, Ke Molimo!

⁷⁰ Joale, ke itse mongoaha oa kereke o qalile, ka bo 53, ho isa ho 170. 'Me (a) motse oa Efese, o mong oa metse e merero e meholo Asia; ka tloaelo o bitsoa motse oa boraro oa tumelo ea Sekreste (pele ke Jerusalema; bobeling, Antioke; athe oa boraro, Efese)... (c) motse oa morou o moholo le oa khoebo... (e) goromente e ne e le ea Maroma... (f) puo e ne e le Segerike. Boranalane ba lumela Johanne, Maria, Petrose, Andrease, le Fipili bohle ba patuoe mona. 'Me Efese e ne e tsebjoa ka botle ba eona.

⁷¹ Bokreste Efese e ne e le moo Bajuda ba ahileng, mane Efese. Bo theiloe ka bo A.D. 53 kapa 55. Bokreste bo lenngoe mono ke Santa Pauluse. Hamorao, Santa Pauluse a qeta lilemo tse tharo Efese. Thuto ea Pauluse ebile le khahlamelo e kholo balumeling ba Efese. Ea latelang, Timothea ebile bishop oa pele oa kereke e Efese. Pauluse o ngoletse kereke Efese. Mehleng ea Pauluse e ne e le kereke e kholo.

⁷² Efese e bolela...lona lebitso *Efese* le bolela "nyahlatsa, iketla, ho oa mohaung." Molimo o e bitsa, "Kereke e oeleng mohaung." Molimo—Molimo o thoholetsa pele mesebetsi ea bona, mokhathala oa bona, le mamello ea bona. Molimo o khalemetsi bophelo ba bona, ka ho tlohela lerato la bona la pele, ka ho oa mohaung, le ka ho se hhole ba chabisa Leseli. Efese e ne e se kereke e thetsitsoeng, e khehlementsoe ke ho se tiisetse leratong le phethehileng.

⁷³ Kakaretso ea Efese: Litholoana, ha e na lerato, e isitsoe bokoenehing. Litsepiso: Paradeise e tsepisoa mohloli, oa bahalaleli ba Efese mongoaheng oa kereke, o fuoa Sefate sa Bophelo.

⁷⁴ Ntho e ntle ke ena. Sefate sa Bophelo se bitsoa hararo ho Genese, hararo ho Tšenolo. Khetlo la pele se boletsoe ho—ho Genese, e ne e le Edene, 'me Kreste e ne e le Sefate. Makhetlo a mararo ha se boleloa ho Tšenolo, e ne e le Kreste Paradeising. Oh, e enne. Morena a hlohonolofatse.

⁷⁵ Joale re tla qala ka khaolo ea 1 ea Efese...kapa temana ea 1 ea khaolo ea 2, kereke ea Efese:

Ngolla lengeloi la kereke e Efese o re; Ea tšoereng linaleli tse supileng letsohong le letona la hae, ea tsamaea mahareng a likandelare tsa gauta tse supileng o bolela tsena;

⁷⁶ Johanne ke e—e moromuo oa mehleng eo. Ea tsamaeang mahareng a likandelare tse supileng tsena tsa gauta ke Jesu Kreste, Molimo o Matlaohle. O etsang? Ha a re O ne a tsamaea mahareng a kandelare e le 'ngoe, O ne a tsamaea mahareng a tsona kaofela. Hoo ho lekanyang? Hore E sa le Molimo o tšoanang, maobane, kajeno, le kamehla, le mongoaheng o mong le mong le oa kereke le ho molumeli e mong le e mong. O tla ho...

ka Moea o Halalelang ho mongoaha o mong le o mong le mothong e mong le e mong; eena oa maobane, kajeno, le kamehla.

⁷⁷ “Ho tšoara letsohong le letona la Hae.” *Letsoho le letona* le bolela “boholo le matla.” Ho tšoara letsong le letona la Hae (tlasa, bolaoli) baromuo ba supileng ba mengoaha e supileng ea kereke. Oh, ke rata seo. Ho ‘Mona a haola hara mengoaha ena ea likereke, Kreste, a Itsebisa batho ba Hae ho theoha le Mengoaha e Lefifi, ho theoha le mongoaha ka mong; mohla kereke e bang fofo ‘me e ikhula, ba bang ba leba nqa e ‘ngoe le ba bang ho e ‘ngoe, empa kereke e nyenyane eo e ile ea tiisetsa, ‘me Kreste a sebetsa le bona, a ntse a tiisa Lentsoe la Hae; ho Le lohanya hantle le feta.

⁷⁸ Ho bonolo ho bona kamoo re fumaneng seo re se tšoereng kajeno, ha u qala u lekola sena. Joale, mona tšimolohong . . . Ke kholoa bohole le khona ho bona bophahamo bona. [Moena Branham o tšoantsisa letlapeng—Mohl.] Mongoaha o mong oa kereke ke ona, ke Pentekosta. Mongoaha oa kereke ea bobeli, oa boraro, oa bone, oa bohlano, oa botšeleta, mongoaha oa kereke ea bosupa. Joale ha le ka elelloa ka hloko, Kereke e qala Pentekosta. Ba ba bakae ba lumelang seo? Na le bona se hlahileng Pentekosta? Re ntano sheba kereke ha e theoha. E qala e nyamela ho feta, ho ea hojana, ho ea hojana; hanyenyane, e tlase *joalo* nakong eo Kereke ea makhonthe ea sebele e tsoang.

⁷⁹ Joale, Kreste . . . ho sa tsottelehe bonyenyane ba Kereke, “Moo ba le babeli leha ba le bararo ba kopaneng ka Lebitso la Ka, Ke tla ema hara bona.” Ha ba phutheha ‘moho ka eng? Ha ba kopana ‘moho ka lebitso la Methodise? Lebitso la Baptise? Lebitso la Pentekosta? Lebitso la Jesu! Moo ba babeli kapa ba bararo ba phuthehileng ‘moho, ho sa tsottelehe bonyenyane. ‘Me ba tla ba banyenyane matsatsing a qetelo hofihlela, A itse, O tla lokela ho khutla kapele le mosebetsi o khaoloe hak hutšoane ho seng joalo ha ho nama e tlang ho bolokeha bakeng sa Hloibilo. “Moo ba babeli leha ba le bararo ba phuthehileng ka Lebitso la Ka!”

⁸⁰ Joale, lekhetlo la pele, baapostola. Joale, re a bona ena ke tšimoloho, Pentekosta. O itsamela hohle, Molimo o moholo o tšoanang, tsona lipontšo tse kholo li ne li tla etsoa ho theoha le mengoaha ena hobane O ne a tsamaea hara mongoaha ka mong. Lehlohonolo la eng? Batho ba Hae ba phuthehileng ka Lebitso la Hae.

⁸¹ Ka batla le shebe ha re haola le kereke. Kereke *ena* e ne e na le Lebitso la Jesu. Kereke *ena* e ne e na le Lebitso la Jesu. Kereke *ena* e ne e na le Lebitso la Jesu. Athe kereke *ena* e lahlehetsoe ke Lona. Kereke *ena* e tsoile, mongoaha oa Lutherane ka “lebitso le reng u a phela, athe u shoele.” Le ho tsoelapele hantle ho theohela qetellong ea mongoaha *ona*; ‘me lipakeng tsa mongoaha *ona* le mongoaha *ona* ke monyako o butsoeng ho khutlisetsa Lebitso leo

kerekeng hape. Joale sheba u bone haeba e le 'Nete, ka mora hoba re kene mona Mangolong. Mono lipakeng tsa—tsa mengoaha.

⁸² Joale, hosane bosiu ke tla leka ho rala malulo ana holimo mona re tle re bone bohle. 'Me ke tla theoha mohlomong hosane thapama ke tšoantsise. . . e meng ea—ea meralo eo ke batlang ho bua le lona ka eona. 'Me mang oa lona ea tšoereng nalane, tloo le eona. Kapa ngola linoutšu tsa hau u theohele laeborari kapa nqa efe ho fumana nalane, le ho e bala le ho bona haeba sena se lokile.

⁸³ Joale temana ea 1. Ebe O etsang? O a ba lumelisa.

Ngolla—ngolla lengeloj la kereke ea Efese . . . (ho Johanne) ngola; Ke tsena tse boleloang ke ea tšoarang linaleli tse supileng letsohong le letona la hae, ea tsamaeang hara likandelare tsa gauta tse supileng; (ke tumeliso)

⁸⁴ Joale temana ea 2 le temana ea 3, O a ba thoholetsa:

Ke tseba mesebetsi ea hau, le ho khathala ea hau, le mamello ea hau, . . . kamoo u sa mamelleng ba bolotsana: u bile u lekile ba ipitsang baapostola, athe hase bona, u ba fumane ba le leshano:

⁸⁵ Le a bona, bokoenehi bo se bo qalile, mongoaheng ona oa pele. O se o qalile hantle mono; hobane mokhethoa le Kereke ea mannete e batlileng ho boloka melao ea Bibele, le ho boloka Mantsoe ao Jesu a boletseng bopaking ba Hae, ba ne ba qalile ba ngala. Ntho e qala e etsahala, 'me baruti ba bohata ba hlahile, batho ba neng ba ruta phoso, khahlano le Lengolo, ho leka ho kenya kapa ho eketsa se seng.

⁸⁶ Lebaka leo A fileng kereke tšenolo ena le ho re, "Ekareha e mong a fokotsa leha e le ho ekeletsa, kabelo ea hau le eona e tla tlsoa Bukeng ea Bophelo." Hoo, ke ho lahleha, moena! Feela u se ke oa lubana le Lentsoe la Molimo! Ho sa tsotelehe Le hlabe hisa mang kapa Le hlabe hisa eng, u Le bolele leha ho le joalo. Feela kamoo Le ngotsoeng mono, ke eona tsela. Ha re hloke ntho e itseng e kholo, ha re hloke moprista leha e le ntho efe ho re tolokela Lona, Molimo Moea o Halalelang ke toloko. O a toloka.

⁸⁷ Joale, ha u ka lemoha, ho furalla bokhopo le ho fumana baporofeta ba bohata, ka mora ho pakoa e le mahata, ba nang le sebopinho sa borapeli. Na le bona kamoo kereke e qalang e hatsela mehleng eo? Ba qala ba roba batho tlasa pululelo ea Moea o Halalelang, ba qala ba ba tše hisa ka batho.

⁸⁸ Be, na Jesu ha a bolela, "Le lehlohonolo ha ba le hlorisetsa ho loka"? Ha A bua ka ho qala ho hatsela. O itse, "Thabang, le nyakalle ka thabo e kholo, hobane ba hlorisitse joalo baporofeta ba tlileng pele ho lona." O itsalo, thutong ea mahlohonolo, ho Mattheu 5, "Le lehlohonolo!" Khele, ha batho ba le soma

kahobane le rata Morena Jesu, ke lehlohonolo ha ba rialo. Ba mpa feels . . . Ha ba le hlapaola, ba lihela mahlohonolo a Molimo holima lona. E a ba hloenyetsa, joalokaha e entse ho Balaame khetlong leo. E—e a ba hloenyetsa. Ha ba leka ho le soma ka ho ba Mokreste, khele, e a ba hloenyetsa, 'me Molimo o a hlohonolofatsa, hobane, "Le lehlohonolo ha batho ba le hlorisa ka baka la Lebitso la Ka." Ka baka la Lebitso la Hae, "Le lehlohonolo!"

⁸⁹ Joale re ba fumana ba batlile ho simolla ba nka sebopeho sa borapeli.

⁹⁰ Joale, nka khefutsa hantle mona ka bua taba, ke tla etsa joalo. Na le lemohile hobane tsoseletso ka 'ngoe . . . Joale, baena bareri, le lekole taba ena. Tsoseletso ka 'ngoe e hlahisa mafahla, joaloka Jakobo le Rebeka ha ba tsoetse mafahla: Esau le Jakobo. Ke bolela Isaaka sebakeng sa . . . Isaaka le Rebeka, sebakeng sa Jakobo. Isaaka le Rebeka ba tsoetse mafahla. Ntate o ne a halalela, 'mè a halalela, empa ba tsoala bashanyana ba babeli: Esau le Jakobo.

⁹¹ Joale, bobeli e le barapeli. Empa Esau, ho ea ka mesebetsi le liketso, joaloka ramolao, e le moshanyana ea khabane ho feta, kamahohle, ho feta Jakobo. Na le tsebile? Jakobo e ne e le nchanyana e leketlang haufi le mama ka linako tsohle. Empa Esau a tsoa ho ea sebetsa, a tsoa a tsomela moporofeta ntatae ea sefov nama e hlaha, a leka ho mo hlokomela. Empa Jakobo o ne a hopotse ho le hong, a batlile tokelo ea boholo! A sa tsotelle kamoo a tlamehang ho lika-lika kapa seo a tlamehang ho se etsa, ntho ea sehlooho bophelong ba hae e le tokelo ea boholo! 'Me Esau a e nyelisa.

⁹² Joale na ha le bone motho oa tlhaho—motho oa tlhaho? Tsoseletso ha e fihila, lihlopha tsa batho tse tsoang tsoseletsong ka 'ngoe li peli. Ho tsoa motho oa tlhaho, o tla nyolohela aletareng a re, "E, monghali, ke amohela Kreste e le 'Moloki oa ka." O tla tsoa, 'me o hlahelo keng? Ntho ea pele le a tseba, o tla getella kerekeng e batang, e fofo, hobane o a nahana, "Be, ha nka ingolisa le kereke, ke lokile hakaalo ka motho e mong. Na ha ke a loka hakaalo ka Sekete-kete? Phapang ke efe ha ke mpa ke le setho sa kereke ke ipolela?" Khele, phapang e kholo. U tlameha ho tsoaloa labobel. U tlameha ho rua tokelo ea boholo.

⁹³ 'Me Jakobo ha a tsotella o tšeihuoa hakae. O ne a batlile tokelo eo ea boholo, a sa tsotelle kamoo a tlamehang ho e thola.

⁹⁴ Joale, batho ba bangata ha ba batle tokelo ea boholo kaha ba E hopola e batla e sa tuma. Ha ba batle ho theohela aletareng ba lla nakoana, kapa ba sa je lijo nakoana, le—le ntho e itseng. Ha ba—ba—ba—ba batle ho e etsa. Basali ba bangata . . . boholo, le a tseba, mani—. . . ba tšasitseng meikapo, ba hopola ha ba ka lla batla o hlatsoa, ba tlamehe ho o tšasa hape. Khele, bao . . . ke . . . 'Me ha ke a ikemisetsa ho e bua ke thunthetsa, ke tšepa e

sa utloahale joalo, empa ke 'neta. Ha ba e E batle. Ha ba batle Tsoalo e Ncha, hobane Tsoalo e Ncha e batla e nyonyeha. E itšoanel a le tsoalo efe. Tsoalo efe e a nyonyeha, ha ke tsotelle moo e leng teng. Ka serobeng sa kolobe kapa molikong, leha e le phaposing ea kokelo, e khabileng bopinki, e a nyonyeha.

⁹⁵ Le Tsoalo e Ncha e a nyonyeha! Amen. E tla u etsisa lintho tsee u sa li nahanang; ho ema k'honeng u tiletsa moropana, kapa ho bina, "Khanya ho Molimo! Alleluia! Ho bokoe Molimo! Khanya ho Molimo!" Khele, u tla itšoara sa lehlanya. Le baapostola e ba entse joalo, le movirigo Maria e mo entse joalo, ea ka re o ne a tahuoe. O ne a nyelischa sechabeng, empa bophelo bo batla litšila ho mela. Amen!

⁹⁶ Ntho ha e sa shoe e bola, bophelo bo ke ke hlaha ho eona. Motho ha a sa shoe a bola mehopolong ea hae, Kreste o sitoa ho kena pelong ea hae. Ha u ntse u leka ho inahanel a, "Joale, ha nka nyolohela aletareng ka re, 'E, Morena, ke—ke mothaka ea lokileng, ke tla U amohela. Ke tla lefa karolo ea ka ea leshome. Ke tla etsa sena,'" u tlameha ho sho a le ho bola hantle mono mehopolong ea hau. Ho lumella Moea o Halalelang ho laola le ho u sebetsa ka boithatelo ba Oona. Ho silafala ka eona. E utloahala e tšabeha, hase ho thunthetsa borapeli, empa ke 'Nete. Eona feelsa tsela eo ke tsebang ho e otla hore le E utloisise.

⁹⁷ Litsila tse fetisang ho feta ho Bajuda bao ba seriti ba letsatsi leo, e ne e le life haese ho bona batho bana ba tsoa ba bua ka melomo e holoketsang? Na le a tseba ho holoketsa keng? Huh, huh, uh, uh, uh, uh. . . ? . . Lipuo lisele, joaloka batho ba tahiloeng. [Moena Branham o lekisa motho ea tahiloeng.—Mohl.] Huh, huh, uh, uh, uh. Ehlide ba entse hoo. Ba shebeha ba nyonyeha!

⁹⁸ 'Me o itse, "Na batho bana ha ba tlala veine e ncha?"

Empa hoba e mong a hlaphoheloe, a re, "Taba ena e tsebjoe ke lona, le utloe mantsoe a ka, batho bana ha ba taho a joalokaha le lekanya." Empa a khutlela Lengolong, "Ena ke taba eane e boletsoeng ke moporofeta Joele, 'Matsatsing a qetelo,' ho bolela Molimo, 'Ke tla tšela nama eohle ka Moea oa Ka.'"

⁹⁹ Kereke e tsoetsoe joalo pele. Ba bakae ba lumelang hobane Molimo ke mohlokaphelseto? Ka hona A ke ke a fetoha. 'Me haeba e ne e le mohopolo oa Hae oa Kereke tšimolohong, ke mofuta oa Kereke A tlang ho e fumana qetellong. A ke ke a fetoha. Ebe le tla e fapanysetsa joang ka ho tsukutla letsoho, kapa hofafatsa, kapa—kapa ntho e itseng e sa etsahaland hantle mono? E mong le e mong oa baapostola o ile a khutlela moo hantle.

¹⁰⁰ Hoba ba etse hona hohle. . . Moea o Halalelang oa tšolohela holima bona, Petrose a re, "Na re ka hanel a metsi, haele moo bana ba amohetse Moea o Halalelang joaloka rona

tšimolohong?” Eaba o ba laela ho kolobetsoa ka Lebitso la Morena Jesu. Ke hantle.

¹⁰¹ Pauluse o tlohile a fihlela batho ba hlolieang, ba inyakaletse, sehlopha sa Mabaptise a tlotlisang Molimo, mme a re, Liketso 19, a re, “Na le amohetse Moea o Halalelang ho tloha le lumetse?”

Ba re, “Ha re tsebe hoba Moea o Halalelang o teng.”

Ho re, “Athe le kolobelitsoe joang?”

Ba re, “Re kolobelitsoe ke monna ea kolobelitseng Jesu, Johanne Mokolobetsi.”

¹⁰² A re, “Yaa, ha e sa tla sebetsa.” Le a bona? Petrose a se a e tiisetse ka Letsatsi la Pentekosta. O ne a ts'oere senotlolo. Le a bona?

Ho re, “Ha e sa tla sebetsa, le tlameha ho kolobetsoa hape.” Eaba o ba kolobetsa hape, ka Lebitso la Morena Jesu Kreste. A ba bea matsoho, ba teeloa hare ke litholoana tse ts'oanang le tsa ts' imolohong mane. Moea o Halalelang oa theohela holima bona, ba qala ba bua maleme ba porofeta.

¹⁰³ Joale, eo esale e le Kereke ho theoha le mongoaha. Joale, e qalile hantle mona ts' imolohong.

“Ke tseba mamello ea hau. Mamello ea hau e mokoka, Ke tseba seo . . . Joale hopolang, Ke nna Ea tsamaeang mahareng a likandelare. Ke tseba mamello ea hau, le mosebetsi oa hau, le mokhathala oa hau, le lerato la hau, le joalo. Ke tseba sohle seo u se entseng. Mme Ke a tseba u lekile le batho bana ba ipitsang ‘baporofeta, baapostola,’ u ba fihletse ba le leshano.” Oh, ehlile e bataletse, ha e joalo? Ha ke a jara boikarabelo ba eona, ke Eena. O itse ba leshano.

¹⁰⁴ Empa Bibebe e itse, “Le leke motho. E mong hara lona e leng motho oa moea kapa moporofeta, kapa haeba a ipitsa eena, ‘Na Morena ke tla Itsebisa eena. Ke tla bua le eena ka lipono, le ka litoro. Ekareha seo a se bolelang se etsahala, le mo utloe; le se mo tšabe, le a bona, hobane Ke na le eena. Empa hase sa hlahe, le se mo utloe, ha a tšoara Lentsoe la Ka.’ Le a bona, ha e le Lentsoe la Hae, e tla etsahala.

¹⁰⁵ Joale, ba fumane mathaka ao a sa phethise ho latela Bibebe. Le a bona, ba leka ho tlisa se seng sesele. (Ke batla le roale katiba ea kelello ea lona joale, ha re theohela likaqeng tsena metsotsong e ‘maloa.) Joale, eaba O re, “Ke bona seo u . . . sebete sa hau, u mameletse le . . . bona bao. U ba lekile, oa ba fihlela e se baapostola. Hase bona.”

¹⁰⁶ Joale, joalokaha ke buile ha ke qala, pele re qalisa sena hape, tsoseletso ka ‘ngoe e hlahisa para ea mafahla. E mong monna oa moea; e mong monna oa tlhaho oa lefatše, “Ke ingolisitse le kereke, ke lokile joaloka mang le mang.” ‘Me le tsoseletso ena e hlahisitse sona seo. Ke eona, le tsoseletso ka ‘ngoe. Ke seo Luther a se hlahisitseng, ke seo ea Irenease e se hlahisitseng, ke

se hlahisitsoeng ke ea Santa Martini, ke se hlahisitsoeng ke ea Columba, ke se hlahisitsoeng ke ea Wesley, 'me ke seo Pentekosta e se hlahisitseng. Hantle feela ka tšoanelo.

¹⁰⁷ Na le bona kamoo ba fetohileng peo? Ho haha likereke tsa bona, le ho kheloha, le linqalo tse kholo tse ntle 'me (khele, mohau!) ho ema le ho thothokisa Tumelo ea Boapostola. "Ke lumela Kereke e Halalelang ea Roma e Katolike, le kopano ea bahalaleli." Mang le mang ea lumelang kopanong le bahalaleli ke moupelli. Ntho efe e buisang le mofu ke ea diabolosi. Ke hantle haholo. Re na le muelli a le mong feela lipakeng tsa Molimo le motho, ke monna eo Jesu Kreste. Ke hantle. Ke seo Petrose a se buileng. 'Me lona baratua ba Katolike le 'mitsa "mopapa oa pele, 'me Petrose mopapa oa pele o tsamaile le Jesu."

¹⁰⁸ 'Me o itse, "Ha ho 'muelli e mong lipakeng tsa Molimo le motho." 'Me bana, le tšoere ba bang ba mashome a likete kajeno. Hobaneng e fetohile hakaale, ha kereke efela e sa tlaile e sa fetohe? Athe limmisia tsohle tsa lona li etsoa ka Selatini li tle li se fetohe. Ebe ho etsahetseng? Tumelo ea Baapostola le e fumana kae Bibeleng? Haeba baapostola ba kile ba fuoa tumelo efe, e ne e le "Bakang, le kolobeletsoe ka Lebitso la Jesu Kreste tšoarelong ea sebe sa lona." Ha ke eso utloele tumelo efe eo ba e tsebileng kapa ba thothokisa ntho efe esele.

¹⁰⁹ Empa lebakeng la "likereke tse Halalelang tsa Roma" le lintho tse ling tsena tsohle, le "Molimo Ntate ea Matlaohle ea 'maballi oa maholimo le lefatše," ke masaoana. Le a bona? Ke hantle. Ha e kahara Bibele. Ntho e joalo ha e fumane Lengolong. Ke tumeloana e qapuoeng eo ba iqalletseng eona. Empa ke... lithapelo tsohle le ntho eohle ke ntho ea maiqapelo.

¹¹⁰ Kajeno re bona Maprotestanta a rona, ha re theohela tlase ka mona, ba tlohile ho bona hantle feela. Ho joalokaha Billy Graham a buile Sontaha, "Batho esale ba fositse halelele ebile ba ikhopola ba lokile athe ba phoso." Ke hantle. Ke 'nete. Ke thabetse ha ke... Hoba ke tseba Billy Graham a amohetse Moea o Halalelang tlasa George Jefferies ka mono, empa le leng la matsatsi ana o tla tsoa nthong eo. Hona joale Molimo o mo sebelisa mono, hoba o khona ho sisinya 'muso oo motho mang a neng a ka sitoa ho kena ho ona. Empa le ka bona therou ea hae, hore ntho e teng kamora eona, ka baka la Mabaptise a mang ana a tsukutlang-matsoho. E, monghali!

¹¹¹ Joale:

Ke tseba mesebetsi ea hau, . . . le mamello ea hau, . . . le ka hobane u sitoa . . .

¹¹² Ha re boneng joale, ke tšoere e . . .

Ke tseba mesebetsi ea hau, le mokhathala oa hau, le mamello ea hau, . . . hobane u ka sitoa ho mamella ba babe: u bile u lekile le ba ipeileng bona baapostola, athe hase bona, 'me u lemoohile hoba ba leshano:

¹¹³ O ba fumane ba le leshano. Taba eo e tsebile joang? Ba ne ba sa qotse Lentsoe.

¹¹⁴ Joale, ha motho a re “Bibebe ena ho Baheberu 13:8 e re, ‘Jesu Kreste, oa maobane, kajeno, le kamehla,’” monna o itse, “Ah, matsatsi a mehlolo a fetile,” e tla ba monna eo o leshano.

¹¹⁵ Efela ha Bibebe e itse, “Bakang, le kolobeletsoe e mong le e mong oa lona ka Lebitso la Jesu Kreste tšoareleng ea libe tsa lona,” tulo eohle Bibeleng e rialo, le mang feela ea kileng a kolobetsoa mehleng ea—e Bibebe o kolobeletite ka Lebitso la Jesu Kreste, ’me a ba laela ho kolobetsoa, hofafatsoa, kapa ntho e kang eo, monna eo o leshano, o fihletsoe e le moporofeta oa bohata.

¹¹⁶ Ke tšepa ke sa hlabe hise maikutlo, empa ke... Moena, u—u ke ke oa ngoaetsa ka Sena, nako e fihlile, hlobola liatlana u tšoare Evangel. Le a bona? Ke ’Nete.

¹¹⁷ Joale, mpontše ntho e fapaneng. Mpontše motho a le mong ea kolobelitsoeng ka tsela efe haese ka Lebitso la Jesu, le a bona, kathoko ho kereke ea Katolike. Haeba u kolobelitsoe joalo, ha u kahara kereke ea Bokreste, u kahara kereke ea Katolike hobane o kolobeletsoe. *Moeti oa Sontaha* oa bona, katekisima e boletse, potso, “Na Moprotestanta ofe a ka bolokeha?” Ha thoe, “Ba bangata ba bona, hobane ba tšoere kolobetso ea rona le lintho tse ngata joalo.” Ho re, “Ba itlaleha Bibebe, athe Bibebe e itse ‘le kolobetse ka Lebitso la Jesu Kreste,’ rona re e nkile mono ra e beha e le ‘Ntate, Mora, le Moea o Halalelang’ ’me ba ikokobeletsa eona.” Ruri. Le a bona? Hase e—hase... Hase e—hase kolobetso ea Bokreste, ke kolobetso ea Katolike.

¹¹⁸ Na le nkutloile bosiu, “Na le kolobelitsoe ka kolobetso ea *Sekreste* le ka mohla?” Kolobetso ea *Sekreste*, Kreste, “Jesu Kreste,” e seng ka thaetlele ea mofuta.

¹¹⁹ Joale, temana ea 3 joale. Ho lokile, temana ea 2 le ea 3. Joale temana ea 3:

*Hape u bile sebete, u mameletse ka bothata, ka baka
la lebitso la ka, ’me ha u a ka oa khathala.*

¹²⁰ “Ka lebaka la Lebitso la Ka.” Na mona le eleletsoe mamello ea bona? Ho sebeletsang? Lebitso la Hae. Na le bona Lebitso leo le tiiselitseng kerekeng eo? Joale le shebeng, ha re theoha tsamaong ea veke, kamoo le nyamelang le fetoloa lebitso le leng. Le a bona? “O bile le mameleo, oa sebetsa, le joalo-joalo, ka lebaka la Lebitso la Ka.” O... Ba ile ba sebetsa ka lebaka la Lebitso la Hae.

¹²¹ Ho bea Lebitso la Jesu Kreste holima kereke efe, holima ntho efe eseles, e ke e etsoe ka lona. “Sohle seo...” Bibebe e itse, “Sohle seo le se etsang ekaba ka polelo kapa ka ho sebetsa, le etse tsohle ka Lebitso la Jesu Kreste.” Na ho joalo? “Sohle seo le se etsang ka ho bua leha e le ka ho sebetsa.” Ha u chatisa, ho chatisa motho;

haeba u sa khone, haeba ba solophane ka hohle lenyalong la bona, u se ke oa ba chatisa ho hang. Le a bona? Haeba u ke ke oa bua ka bolokolohi, “Ke le tlaleha monna le mosali ka Lebitso la Jesu Kreste,” ba ka ikela. Ho lokile. Ha u batla ho ba kolobetsa, ba kolobetse ka Lebitso la Jesu.

¹²² Ha u tlameha ho etsa letho o sa khone ho le etsa ka Lebitso la Jesu, le tlohele! Motho o itse, “U ka inoella ho se hokae.” U ke ke oa e etsa ka Lebitso la Jesu, e tlohele! Motho o itse, “Bapala likarete nakoana.” U ke ke oa e etsa ka Lebitso la Jesu, e tlohele! Nthoana, motlae o litšila, o nyonyehang moketjaneng oa hau, u ke ke oa o etsa ka Lebitso la Jesu, o tlohele! Le a bona? U ke ke oa apara lishotso ka Lebitso la Jesu, li tlohele! Nka tsoelapele, empa re . . . le tseba seo ke buang ka sona. Ho lokile. U ke ke oa etsa seo. Ha u sa khone ho etsa ntho ka Lebitso la Jesu, le tlohele! Hobane, O itse, “Sohle seo le se etsang ekaba ka polelo kapa ka ho sebetsa, le etse tsohle ka Lebitso la Jesu Kreste.” Ho lokile, joale.

¹²³ Joale re tla . . . Oo ke . . . O ba thoholelitse ka baka la eona. Joale ke tlij'o bua ka ttlebo joale khaolong ea 4 . . . kapa temana ea 4, ke rialo.

*Empa ke na le seo ke se nyatsang ho uena, ke hobane
u se u lahlile lerato la hau la pele.*

¹²⁴ Oh! “Ke na le seo ke se nyatsang ho uena. U bile le mamello, u bolokile Lebitso la Ka.” Ana e ke ke ea ba ntho e molemo ho tabernakele ena kajeno? E, monghali! “Esale u lokile, oa ba le mamello e ngata, oa tiisetsa halelele, empa ntho e teng . . . O bolokile Lebitso la Ka. Ke ananela seo. Ke—ke u thoholetsa ka eona, ho itoketse. ‘Me Ke u bone o leka ba ipitsang baapostola le joalo, oa ba fumana ba le leshano, ha ba nyallane le Lentsoe. Ke—ke ananela seo sohle. Empa Ke na le seo ke se nyatsang ho uena, ke hobane u tlohetse lerato la hau la pele. U tlohetse lerato la pele la likopano tse molemo tseo, tsa mehla-ea-khale, tsa Moea o Halalelang, mme oa qala oa thella oa khutla oa hatsela, ho kena ka ‘Ntata rona . . .’” Masaoana! Le a bona?

¹²⁵ Sosaiti sena sohle, ‘me motho o tlameha ho tsoa a apere sephekiali (le a tseba, ho bina k’hoarereng, le a tseba), a bile a takiloe moriri hohle le ntho eohle, le meikapo o mongata sefahlehang sa bona, ‘me ba bina joaloka ntho eo ke sa e tsebeng.

¹²⁶ Hase khale mona, holane e ne e se ka lebaka la kopano ea Oral Robert, ruri nkabe ke ntšitse sehlopa seo. Ke ne ke—ke ne ke etetse seboka sa Business Men se tšoaretsoe . . . re se na . . . ke tla bua bosiu boo. Ba sa khona ho se tšoarela koana hoteleng, eaba ba nkisa e—e moahong oa Oral Robert. Ea re ke sa lutse phaposing ea Oral ea ho bala, mono keha ho eme sehlopha sa bana ba Pentekosta (oh, bahlankana le basali, lilemo tse leshome-tšeletela, leshome-supra, leshome-robeli) bohole ba eme kantle mono; sehlopha sa bona sa mashome a mararo kapa sa mashome a mane se tla bina e—e nthoana . . . ho ’na ekare chunu

ea mofuta e kang eo Becky a buang ka eona, Tchaikovsky kapa lintho tsa mofuta oo; ha ke tsebe, lipina tseo tsa mofuta, pina ea tlelasiki. 'Me e ne e le bana, baena ba tla phutha monehelo kopanong, e mong le e mong a tsoa a kokositse nkho, ba etsisa sefofu ka metlae eohle le ka boitšoaro bohole boo u kileng oa bo utloa, lipakeng tsa bashanyana bao le banana, ba bua joaloka ntho eohle. 'Me banana bao ba tšasitse ferefere lekaneng, ho ferefere moaho oa Oral, mohlomong. 'Me e le bao, ba ipitsa "Pentekosta." Ba lahlile lerato la bona la pele!

¹²⁷ Ke hlile ke khema le David duPlessis, "Molimo ha u na litloholoana." Che, monghali! Re na le litloholo tsa Methodise. Re na le litloholo tsa Baptise. Re na le litloholo tsa Pentekosta. Empa Molimo ha u na tsiona! Le bara le barali. U ke ke oa tla ka mami oa hau kapa deddi oa hau kahobane e ne e le banna le basali ba lokileng, u tlameha ho lefa moputso o tšoanang le oa bona. U tlameha ho tsoaloa joaloka bona. Molimo ha u na litloholo ho hang. U mora le morali; kapa, ha u setloholo, eo ke taba e tiileng.

¹²⁸ Ka kena kopanong moo, 'me ba ne ba . . . kerekeng e khabane ea Pentecostal Assembly. Moshanyana, le tlameha ho bona basali bao ba phasaphasa ha ba mpona ke kena; ka moriri o mokhutšoane oo, o ponngoeng, le mesana eo ea khale e sa tlalang, ba batla ba tšoana le soseje, le a tseba, mese e ba khamotse joalo, basali ba Pentekosta, ba apere ka mokhoa o hohelang.

¹²⁹ Le tla tlameha ho e arabela, Letsatsi la Kahlolo. U tla ba molato oa ho feba, Jesu o itse, "Ea shebang mosali ho mo lakatsa, o se a mo febile pelöng ea hae." 'Me ha u itlhahisa ho monna joalo, ea molato ke mang? Uena kapa monna? Ak'o loke! Tšabang ho tšoanang le sebe! Le a bona? Ka hona ke moo.

¹³⁰ U entseng? Ho lahla lerato la *pele*. Oh, ha u khone ho ba emisa koung ka moropana ba opa liatla tsa bona ba rorisa Molimo. Oh, che! Ba ka bina tlelasiki ea mofuta ba apere sehlopha sa liphekha. Le a bona, ba lahlile lerato la bona la *pele*. Ke bona bothata ba kereke ea pele. Le a bona?

¹³¹ Ba tlameha ho itšoara selefatše feela. Ba tlameha ho apara selefatše, ho tšoana le lefatše, ho etsisa lefatše. 'Me ba na le khalala ea bona ea thelebishene, le a tseba, ha ba khone ho lula ba sa e bone. *Re Rata Susie* kapa ntho e 'ngoe, le a tseba, ba tlameha ho e shebella feela. Ba tla sala hae ba tlore tšebeletso ea thapelo le sohle ho e shebella. Haeba ba sa khone, ba omanya moruti oa bona, ho ba ntša ka nako ho shebella lenaneo leo ha ba fihla hae. Lerato la lefatše le feta lerato la Molimo!

¹³² Oh, ba tsitsipane haholo, ha ba khone le ho re, "Amen!" hape. Khele, mohau, eka khephola meikapo o itseng. Le a bona? Ha ba sa na Lona. Eo ke Pentekosta. Eo hase Baptise. Ha ba eso be le Lona le ho qaleng, e—e Presbeteriene. Ke bua ka Pentekosta. Ke hantle. Ke a tseba e kulisa haholo, moena, empa re batla tsoalo

ho tsoa nthong ena; lefu le tlameha ho fihla pele u ka fumana tsoalo. Le a bona? Le a bona? Ke 'Nete. Empa ke moo, u tlohetse lerato la hau la pele. Ke . . .

¹³³ Haeba Molimo o ne o nyatsa kereke *ena* ka seo, O tlameha ho e nyatsa khahlano le *eane* hape! "Hobane u tlohetse lerato la hau la pele, Ke ema khahlano le uena. Ke na le seo ke se nyatsang ho uena, ke tletlebo ea Ka eo. U kile oa ithabela haholo, empa u—u tlohetse lefatše la qala la khasetsa kahare, 'me u batla o le fofo. U sa bolokile Lebitso la Ka, u etsa lintho tse lokileng, mamello ea hau e sa le ngata le lintho tse joalo, 'me u a sebetsa, u tšoana le mulete, u hula ka thata 'me u a sebetsa."

¹³⁴ Khele! Khele! Khele! Le a bona, u tlohetse mohau le tumelo le matla, oa li ananya ka mokhathala le ka mesebetsi. "Be, ke a u borella Moena Branham, ke—ke thusa mosali e mong le e mong oa mohlolahli ha ke khona." Be, ke ntho e molemo eo, ke u thoholletsa eona. Empa le kae lerato leo la hau la pele? Uh-hum, uh-hum. E kae thabo u kileng oa e rua? Joalokaha Davida a buile, "Oho Morena, nkutlisetse thabo ea poloko ea ka." Li kae litšebeletso tseo tsa bosiu tšekhe, tsa likeleli tse phallang marameng a hau? Khele, mohau, ebile Bibele e tletse lerole 'me E manne tepo ea seokho holimo. U bala lipale tsa khale tsa lerato, le litaba le lintho; le lintho tse sa tšoanelang ho phatlalatsoa le ho tšeloa e—e moqomong oa matlakala, koana rona batho ba Pentekosta re a li thonaka re li seohela sa mphi ea lintšintsi moqomong oa matlakala. Ke hantle. Oh, hauhela! Seo re se hlokang ke sena: Ho khutlela morao leratong la rona la pele! Morao ho Pentekosta! Oh, nka mpa ka sutha mono. Ho lokile. Empa, le a utloisia, "Ho tlohela lerato leo la pele."

¹³⁵ Temana ea 4, temana ea 5 joale. Tlhokomeliso, temana ea 5, tlhokomeliso: "Hopola hle 'me u bake!" Le a bona?

Hopola hle moo u oeleng teng, . . . (U tsoa kae? Ho tsoa pentekosta u khehlemane u moo u leng teng joale, ho oa mohaung) . . . 'me u bake, u etse mesebetsi ea hau ea pele; (khutlela ho pentekosta hape) . . . ha ho se joalo ke tla tla ho uena, ke tlose eona kandelare tulong ea h-a-e . . . (Le a bona na ke mang, ha ke re?) . . . tulong ea hae, ha u sa bake.

¹³⁶ Ka mantsoe a mang, haeba moruti oa hau a tletse Molimo, a tletse Moea o Halalelang, 'me u leka ho mo hatella ka monoana, ho re, "Be, ha a ka bua letho ka moaparo oa k'hoaere ea rona, ha a bua letho ha re tlola meikapo, re tla mo khaola." U se ke oa tšoenyeha, Molimo o tla e phethisa le pele le fumana monyetla oo. O tla tsoa a rerele majoe seterateng pele a ngoaetsa ka nyee ea mofuta oo. Ha u na le moruti ea u bolellang 'Nete, u tlameha ho hlompha Molimo le ho lula Moeeng, le ho rapela Molimo, ho bona hobane ha u sa etse joalo u tla timela. Le a bona?

¹³⁷ Empa kajeno batho phela eka holane ba tla . . . ena e le eona feela ntho e leng teng, “ho phela lefatšeng mona, ebe ke phetho.” Ha u lemohe u ruile soule e tla falla mona e leba nqa e ’ngoe. Mme u tiisa mafello a hau hantle mona, kamoo u phelang le boitšoaro ba hau, ha u leballe lintho, u lonya, le ntho eohle, u ntano mathela kerekeng. Oh, mohau! Shuu! Ha u soabe.

¹³⁸ U lihela sekhobo holima—holima morero oa Kreste. Na ha ho joalo? Ha re etse joalo? Kereke ha e senngoe ke manoajoala; hase ntho eo. Kereke ha e senngoe ke seotsoa. Kereke e senngoa ke batho ba ipolelang Bakreste. Re a tseba lenoajoala le seotsoa ke eng. Ha likhaiselsi tsa rona li apara joaloka seotsoa, ke eona phapang, ke *eona* ntho e senyang Kereke. Athe monna o noa joaloka lenoajoala, be, ka hona, Kereke e senngoa ke hoo. Ba ipitsa Bakreste athe ba etsa tse joalo. Batho ba sheba uena ea bitsang . . . “Ea bitsang Lebitso la Morena Jesu a tlohele sebe.” Le a bona? Sutha ho sona.

¹³⁹ Oh, re hlile re a haelloa, bana beso. ’Na, uena, rona kaofela, re—re haelloa ke seo Kreste a re batlang ho ba re be sona. ’Me hantle letsatsing lena ho fihlile nako ea ho tela sebe se seng le se seng se re tšoasang feela, re mathe lephallo leo re le beetsoeng ka mamello. Bareri, ke hantle, bana beso. Ke hantle haholo.

¹⁴⁰ “Hopola ’me u bake, Ke se tšohe ke e fihla ke tlosa Leseli la naleli setulong sa hae.” Tulo ea hae ke efe? Ka hara Kereke. “Empa ha u sa bake u sa khutlele maemong a hau a pele, Ke tla tlosa moruti oa hau ho uena le ho mo tlosa tulong tsa hae; Ke mo romele nqa e ’ngoe moo ling tsa hae . . . moo Ke tla halimisa Leseli la Ka moo le tlang ho bonesa teng.” Hmm! Ana e ne e se mahlonoko?

¹⁴¹ Ho fihlile nako ea likereke ho baka. Nako e tlie Pentekosta ho leleka baithuti bana ba soeufalitsoeng lifaleng, le ho kenya mono moreri oa mehla ea khale ea tla le bolella ’Nete; a sa qeke ’me a fetola kereke seteketana sa lijo, meputso e meholo, le ntho e kang eo, le saek’holoji, le lipere tse ’maloa tsa mojaho, le lilallo tsa meapeho, le ntho eohle ese. Nako e tlie ea ho khutlela Evangeling. Ha ke tsotelle bootloana ba hau, “Moo ba babeli kapa ba bararo ba phuthehileng, Ke tla—Ke tla ema mahareng a bona.”

¹⁴² “U bake hle, esere Ka fihla ke tlosa kandelare; ho mo romela hole, ho khantsa leseli la hae nqa e ’ngoe.”

Joale temana ea 6. Joale re tlilo tholana le mathata ka ena. Joale, ha u sa bake, O tla fihla a tlose moruti oa lona.

Empa hape o na le molemo ona, . . .

¹⁴³ Joale, hopolang. Oh, le se fose taba ena joale. Taba ena e tla e ngomela ntho eohle ’moho, ho theohela koana ho sena seo re . . . mongoaha oo re leng ho ona joale. E mong le e mong o thabile, pele? [Phutheho e re, “Amen!”—Mohl.] Na le potlakile? [Phutheho e re, “Che!”] Ho lokile, joale. Ho lokile, mamelleng

nakoana feela. [Moena phuthehong o re, “Qeta bosiu bohle.”] Joale . . . Ke a u leboha.

Empa hape u na le, . . . (Ba ne ba e na le selo, ha ke re? Joale ba ne ba e na le eng?) . . . u hloile liketso tsa Banikola, tseo le 'Na ke sa li hloileng.

¹⁴⁴ “U hloile liketso tseo tsa Banikola.” Ha ke ntse ke lutse phaposing ea ho bala kajeno holimo mane, ke ngotse lethoana mona ka eona, joale ke batla le sekehetsese tsebe, mona ke tšoere maqephe a ‘maloa. Temana ea 6, lithoriso le tumellano; ke ho re, Molimo le Kereke ba lumellana ka ntho e le ‘ngoe, ke ho re ba “hloile liketso tsa Banikola”; Morara oa ‘nete, Morara oa ‘nete, Kereke ea ‘nete e neng e le kahara kereke ena ea Efese.

¹⁴⁵ Joale, hopolang, kereke ka ‘ngoe e fupile ba fofo le ba moea. Tsoseletsong e ‘ngoe le e ‘ngoe ho tsoaloa mafahla ‘me a phela kerekeng e ‘ngoe le e ‘ngoe. Ba qalile hantle mongoaheng *ona* le ho qetella ka mongoaha *ona*. “Me qetellong, ba fofo ba e hapile ho Mongoaha oa Thiatire, eaba Luther o a e nts’*a*. ‘Me joale e boetse e tšekaletse morao hantle. Na le bona borapeli boo bo fofo? Ha ho phapang lipakeng tsa bona le Bokatolike. Ntho eohle e a tšoana. Mokhatlo o mong le o mong o khabeletsoe hantle kahara eona. Molimo ha o eso hlophise Kereke ea Oona le ka mohla. Mona ba ne ba lekile ho etsa hoo hantle. Shebang le bone joale haeba e sa loka, ho le supisa feela kamoo mokhatlo o rohakiloeng kateng. E kile—e kile ea ba hole le Kereke e ncha, Kereke ea Testamente e Ncha. Le a bona?

Empa . . . u . . . Empa o na le molemo ona, ke hobane u hloile liketso tsa Banikola, tseo le 'na Ke li hloileng.

¹⁴⁶ Morara oa ‘nete o ne o hloile liketso tse fofo tsa Banikola, le Molimo joalo feela. Se bileng liketso kerekeng ea Efese, kerekeng ea Baefese, sa fetoha thuto kerekeng ea Pergame. Ho Efese, kereke ea pele, e ne e le ketso, kerekeng e latelang ea fetoha thuto. Na le a E utloa? Na le a E utloisia joale? Efese e ne e le ketso, mme le shebe, mona Pergame e fetoha thuto. Mona e qalile ka sebopaho sa lesea. Joale, re tla fumana seo e neng e le sona motsotsong. *Liphiri* tsa Pauluse ke tsena, “liketso tsa Banikola.”

¹⁴⁷ Joale eng . . . Ha re qhaqheng lentsoe leo ho fumana seo re se tšoereng pele re khatha tema. Lentsoe *Bonikola* le batla le le hosele ho nna. Ke tšoere patlantsoe ka ‘ngoe ea Segerike eo ke—ke khonneng ho e thola. Bonikola bo tsoa ho lentsoe la *Nicko*, N-i-c-k-o. Beang butle, ke a kholoa ke le ngotse mona. N-i-c-k-o, *Nicko*, e bolelang “ho hapa kapa ho phethola.” *Nico-laitanes*, “ho hapa kapa ho phethola phutheho.” Seo ba lekileng ho se etsa mona ba lekile ho nka kereke moo Molimo o beileng balisa, ‘me Moea oa Molimo o haola ka lineo ka Kerekeng ea Molimo o phelang, ‘me, ba iqalla thuto e tlang ho hlomamisa baprista ba ‘maloa, le libishopo, le bomopapa, le ba joalo. Hoo, Molimo o itse, O e hloile! Le kajeno O e hloile. *Nico-laitanes*, (*Nicko*, “hapa”)

kapa, "ho phethola phutheho." *Phutheho* ke "kereke." Ba ba kae ba tsebang hoba phutheho ke kereke? Ho lokile, "Ho phethola kapa ho hapa, kapa ho nka malulo a phutheho."

¹⁴⁸ Ka mantsoe a mang, ho tlosa khalalelo eohle, ho hlotla kereke matla ohle, ho a bea holima baprista; "Ho lesa phutheho ho iphelela borata, ea halalelang ke moprista." Ho tlosa Moea o Halalelang bathong ba ka mehlolo le meeka e latetseng, ho o tlosa le ho ba hlomamisetsa boprista bo halalelang. Ho tlosa Moea o Halalelang le ho O ananya ka boprista. Na le bona seo e neng e le sona? E ne e le . . . Qetellong ea fetoha . . . Kerekeng *ena* mona, e ne e le liketso; athe tulong *sena* e fetoha thuto; 'me Thiatire, ea hapa. 'Me hoba Luther a tsoe, e sitiloe ho itulela joalo, ebile e khutla e hapa hape: libishopo, dik'hadinale, diarekabishopo. Hlooho ea Kereke ea Molimo e ka ba mang haese Oona ka Seqo? Amen! Shuu! Joale ke ikutloa ke halalela. Moea o Halalelang o rometsoe ho busa Kereke; e seng moreri feela, phutheho eohle! . . . ea halalelang ke moreri feela, ke ho re, Kereke eohle e na le Moea o Halalelang.

¹⁴⁹ Sebakeng sa Hoo, sebakeng sa ho fumana Moea ho etsa, ba nkile bohojana le basekeiti, le veinenyana, ba e bitsa "*Eukariste e halalelang*" e bolelang 'Moea o Halalelang.'" Bohojana le veinenyana li ka fetoha moea joang? Joale, haeba—haeba ho le joalo, u tlameha ho bala Liketso 2 tjena: "Letsatsi la Pentekosta ha le se le fihlile, moprista oa Roma ke enoa a nyoloha ka tsela, a re 'Ntša leleme la hau' a ntoo bea bohojana holima lona, mme eena a noe veine, ho re, 'Joale u fumane Moea o Halalelang.'" Joale, re e hopola e nyarosa. E joalo.

¹⁵⁰ Joale ha re theoheng; ke tlotsitsoe kerekeng ea Baptise, re nka rona Mabaptise. Uh-huh. Hmm? Methodise, rona re etsang? "Ha u paka hoba 'Jesu ke Mora Molimo,' u bolokehile." Diabolosi o Mo lumela e le Mora Molimo, 'me E a mo thothometsa; a ka tšoha a lumela ho feta boholo ba litho tsa kereke. Diabolosi o lumela hona hoo 'me o a thothomela, hobane o tseba ho felile ka eena.

¹⁵¹ Joale re qotsa ts'obotsi ea Methodise, ba—ba rialo "Johanne ha a kolobetsa," ho re, "ofafalitse." Ho itsoe, "Ligofere li ne li atile naheng, 'me—'me metsi a ne a phalla a tsoa libakeng. Eaba o tšoara khetla a fala gofere a e phunya lesoba." Ba hlide ba e rera. "A tsela metsana kahara khetla ena ea gofere, kapa khetla ena ea mussele, a tsoang lesobeng la gofere, afafatsa batho." Masaoana! Oh, moena!

¹⁵² Be, mona re tla e qotsa, "Letsatsi la Pentekosta ha le se le fihlile, ba ne ba lutse bohole tulong e le 'ngoe, ba le khopolo e 'ngoe. Eaba moruti o theoha a rera therero e monate, a re, "Nkotloole letsoho le letona la bolekane, re tla ngola lebitso la hau bukeng." Ha e utloahale hantle, ha ke re? U ka e thola . . . U ke ke oa e thola le holima alamanaka, ba tsebile hantle ho feta moo. *Alamanaka ea Maleiti a Holileng* e nepile ho feta moo.

¹⁵³ Be, hoo ho bakiloe keng, ka hona? Banikola ba suntse mphi ea banna ba solophantseng Lengolo, ho bopa bolumeli bo sa lumelleng khato ea Molimo ka ho bona. Bo shoela mono hantle! Eaba O bua mona, “U shoele! U na le ‘lebitso’ la hobane u a phela, athe u shoele!” Bongata ba bona, ba shoele, athe ha ba tsebe.

¹⁵⁴ ’Na le moena re ne re tšoasa lihlapi, re sa le bashanyana, holimo mona. Eaba ke tšoasa khulu ea khale e lomang, ka e poma hlooho; ho tšoasolla khole, ke sa batle ho tšoenyana le ntho eo; ka e lahlela lebopong mono. Monyane oa ka a fihla, a re, “U tšoereng nakoana e fetileng?”

Ka re, “Khulu ea metsi.”

A re, “U entse’ng ka eona?”

Ka re, “Ke eo, moo e robetseng, *mono*, hlooho ea eona e robetse holimo *mane*.”

A nyolohela teng. A re, “Na e be e shoele?”

Ka re, “Ehlile! Ke pomme hlooho ea eona ’meleng, e tšoanetse e be e shoele.”

¹⁵⁵ A nka thupa a qala a khutlisetsa hlooho ea khulu ena nokeng hape, eitseha... kapa letša. Hoba a etse, khulu ea khale ea e loma. Le a tseba, li iłibana hora kapa tse peli. A qhomela morao, a re, “Hela! Ha ke a re u itse, ‘E shoele.’”

Ka re, “Ehlile e joalo.”

A re, “Be, ha e tsebe. Che.”

¹⁵⁶ Batho ba bangata ba itšoanelia: ba shoele athe ha ba tsebe! Banikola! Oh, banna! Oh, O itse, “U e hloile.” Ho nka tsohle e leng baprista, ba khabane ba halalelang, k’hadinale e halalelang, bishop ea halalelang.

¹⁵⁷ ’Me lona Mapentekosta a mang, “Mookameli e moholo, a re a theohe. Mookameli ea akaretsang, o tla le bolella haeba le ka tšoara tšebeletso ea pholiso mona kapa che. Ha, ha.” Alleluia! Moea o Halalelang ke eena ea ka rialong kapa che, Lentsoe la Molimo la Bosafeleng.

¹⁵⁸ “Be, Moena Branham, re lumela Bibele e hlile e ruta ho ‘kolobetsa ka Lebitso la Jesu,’ feela ha re ka simolla nyee eo kerekeng ea rona mookameli ea akaretsang, o tla re lelekela bohle kantle.” Tsoelapele. Ke hantle. Ke khetha ho raheloa kantle mona ho e na le ho raheloa kantle Mane. Ka hona, haeba u tlosa letho *mona*, u tla raheloa kantle Mane, le hona, ka hona u ka mpa oa raheloa kantle mona. Haeba a u rahela kantle mona, u tla raheloa kahare Mono. Ho a itšoanelia ke hona, ka hona Le tiisetse hle.

¹⁵⁹ Re batla ho loka. Oh, banna, ke ntho e mahlonoko, moena. Re tlameha ho e tšoara hantle. Re ke ke ra ba le Kereke pele Molimo o fumana motheo ho e thea teng. O ke ke oa haha Kereke ea Oona

holima qubu ea masaoana. O tlameha ho fihla holima Lentsoe la Oona kapa A ke ke a fihla ho hang; hantle holima Lentsoe la Hae.

¹⁶⁰ Motho e mong, hase khale mona, holimo mane, o itse, "Moena Branham, tsoela koano Chautauqua." Ba ba kae ba neng ba le Chautauqua? Khele, shebang mona feela, karolo ea boraro ea kereke kapa ho feta e ne e le Chautauqua. Etsoe... Joale, monna eo o ema mono thapama eo, bohole le mo utloile, ha a tseba ke tla tseba ka eona. Molimo o ka senola ka phaposing holimo mane seo ba se buang tlase mono, 'me, le a tseba, O e entse. Ho nyolohela mono, ho re, "Joale, Moena Branham, oh, ke mohlanka oa Morena. Ha Moea o lutse holima hae, ke moporofeta ea tlotsitsoeng, o hlide o a tseba, Molimo o 'molella se leng teng le sa tlang; feela thutamolimo ea hae, le se ke la e mamela."

¹⁶¹ Hase le monahano o futahaneng oo! Monna a ka rialo joang? Khele, ha ke eso... Be, leha u sa tsebe ho khetha linaoa tse patsotsoeng ho kofi, u tla—u tla tseba hantle ho feta moo. U ka nahana ntho e joalo joang? "Khele?" Khele, lona lentsoe *moporofeta* le bolela "mosenoli ea khethelileng oa Lentsoe." U ka khona joang... Lentsoe la Morena le ne le tlele moporofeta. Ha ke eso ipitse e mong, ke bona ba e buileng. Empa ke moo. Le a bona?

¹⁶² Kamoo monna... Feel a ho tiisetra thutoana ea kereke nqa e 'ngoe, hobane mokhatlo oa bona ha o lumellane le Lona. Ho rekisa boholo ba hau ka baka la pitsa ea moapeho, Esau, moikaketsi tooe ea malimabe! Ke hantle. Ho rekisa boholo ba lona ka pitsa ea moapeho, ka moapeho oa mokha oa bolumeli, moapeho oa mokhatlo o hloiloeng ke Molimo. Hopolang feela, u re "mokhatlo," Molimo o e hloile! Ke ntho e arolang baena, e a heletsa... Mamethodise a mangata a teng, Baptise, le Presbeteriene, bosius bona, a ratang ho kenela setsoalle a teetse tafole ea Molimo hare. Empa ha ba ka etsa joalo, ba tla raheloa kantle khetlo la pele ha ba qala ho kena ho Lona. Ke hantle haholo.

¹⁶³ "Mama e ne e le setho sa eona," bao ke litloholoana feela le ho qaleng. Oh, banna! Ha ke tsotelle mama e ne e le setho sa eng, mama o phetse Leseling lohle la letsatsi la hae, le uena u phela letsatsing le leng.

¹⁶⁴ Mahlale a kile a kholisa, lilemo tse ka bang makholo a mararo tse fetileng, ka ho pitikisa bolo holima polokoe, ha thoe, "Koloi efe ha e ka matha ka lebelo le tšabehang la limaele tse mashome a mararo ka hora, khoheli e ka e fafola lefatšeng ea e fefolela sebakeng." U nahana kajeno mahlale a lumela seo? Ba matha ka lebelo la limaele tse sekete le makholo a robong ka hora. Ha ba hetle morao ho bona seo ba se buileng, ba shebile morao, ho bona seo ba ka se bonang ha ba sheba pele.

¹⁶⁵ Empa kamehla kereke e batla ho hetla morao, ho bona seo Wesley a se buileng, seo Moody a se buileng, seo Sankey a se

buileng. "Tsohle li ka etsetsoa ba lumelang," ha re shebeng kapele! Ntho e inots'i e shebang morao ka Bibeleng...Na le tseba mofuta oa phoofolo e hetlang morao kamehla? Bophelo bo tlase ho fetisa. Ba ba kae ba tsebang hoba bophelo bo tlase bo tsamaeang ke bofe? Sehoho. Sehoho ke bophelo bo tlase ho fetisa, athe motho ke bophelo bo phahameng ho fetisa. 'Me sehoho se sheba morao. Ha ke rate bophelo ba khale bo tlase. Ke batla ho sheba pele, ke lumela, ke tsep'a, ho tsamaea Leseling joalokaha le Oona o le Leseling, amen, O ntse o khantša Leseli.

¹⁶⁶ Khetlo le leng tlase Kentucky ha ke tšoere kopano, ha tsoa mothaka oa khale, a re, "Oh, ha ke lumele pholiso eo."

'Me ka re, "Be, ho itoketse, u Moamerika."

A re, "Ha ke—ke lumele letho ke sa le bone."

'Me ka re, "Be, ho itoketse."

A re, "Joale, ha ke a koetla letho kahlano le uena, empa ha ke—ha ke lumele seo u se buang."

Ka re, "Oo ke monyetla oa hau oa Moamerika, ha u a tlameha."

A re, "Joale, ha ke amohele letho ke sa le bone ka ho hlaka." Hmm!

Ka re, "Be, joale ke...ke—ke botle, u tšoanetse u be u tsoa Missouri."

Ho re, "Che, ke moKentuckiane." Shuu!

"E bea Kentucky ka mosing," ka rialo. "Empa, leha ho le joalo," Ka re, "haeba uena...u nahana joalo, tsoelapele." 'Me a re—a re...Ka re, "U fihla joang lapeng?"

¹⁶⁷ A re, "Ke ts'ela leralla. Ke lula ka nqane...Be, tsamaea le 'na." E le monna ea mosa. Ho re, "E-ea lapeng le 'na, u qete bosiu bohole, Moena Branham."

Ka re, "Ea ka nka be ke khona, moena." Empa, ka re, "Ke nyolohela holimo mona le rangoane." 'Me a re...ka re, "Na u batla ho khanna ho ea koo?"

Ho re, "Che, ke tlameha ho tšela leralla holimo mane, holimo nqa ena, le ho theoha ka phula, le ho nyoloha," le a tseba ho joang tlase mono.

'Me ka re, "Be," ka re, "u tla fihla joang mono?"

A re, "Ke nyolohela teng ka tselana."

"Khele," ka re, "ha u khone le ho bona letsoho la hau ka pel'a hau." Ka re, "U tla nyolohela joang mono?"

Ho re, "Ke tšoere lantereme!"

'Me ka re, "Be, u khona joang...U etsang, u khantša lantereme eo u ntano tsamaea ka eona?"

A re, "E, monghali."

Ka re, "Ha u khantša lantereme eo, u ka e phahamisetsa holimo *tjena*? Ke batla ho bona ntlu ea hau."

A re, "U ke ke oa e bona."

Ka re, "Ebe u tla fihla joang mono?"

"Oh," a re, "Ke tla khantša lantereme feela; 'me ha ke tsamaea, eona . . . ke tsamaea feela kamoo leseli . . ."

Ka re, "Ke eona feela. Amen, tsamaea Leseling feela."

¹⁶⁸ Lula u tsamaea feela! U se ke oa ema, ha ho moo u tla fihla teng. Ha u pholositsoe, hahamalla khalaletso. U re, "Ke fihla joang mono?" Se phetse ho tsamaea feela. "Na ebe kolobetso ea Moea o Halalelang e latela khalaletso? Ebe ke e finyella joang?" Se phetse ho tsamaea Leseling feela. "Na lipontšo, meeka, le mehlolo . . .?" Se phetse ho tsamaea Leseling feela. Le a bona? Tiisetsha feela! Nako le nako ha u nka khato, Leseli le tla rutlolohela pejana ho uena feela, hoba U ka pela hau kamehla. Ha A sutumetse, O etella pele. Ke Leseli. Oh, ke thabetse hoo haholo. Lona le reng? Ke Leseli, ha ho lefifi ka ho Eena.

¹⁶⁹ "U hloile liketso tsa Banikola." E ne e fetohile thuto. Joale ha re boneng seo Pauluse . . . Joale, ke kereke ea mang . . . Ke mang ea theileng kereke ena joale? Pauluse, Efese.

¹⁷⁰ Ha re phetleng morao joale ho Liketso khaolo ea 20, motsotso feela. Ho Liketso khaolo ea 20, le ho bona seo Pauluse . . . Le a lumela Pauluse e ne e le moporofeta? Ehlide, e ne e le eena. Ruri, e ne e le eena. Le sa hopola bosiu mohla pono leoatleng le befileng, le lintho tse joalo? Joale, . . . le tsohle mabapi le eona. Joale temana ea 20 ea Santa . . . ea Exo . . . Liketso, ha re qaleng nka re ka—ka temana ea 27, mamelang ka hloko joale ha re bala. Joale, enoa ke Pauluse, moporofeta, a bolela se tlang ho etsahala.

*Hoba ha ke a ka ka tsoafa ho le bolella tšoanelo eohle
ea Molimo.*

¹⁷¹ Monna ea bokoang eo! Oh, ke batla ho ema mono ka letsatsi lela ke 'mone ha a roesoa moqhaka oo oa moshoelatumelo hloohong. Haeba ntho e kang nka lla habohloko e le teng, ke tla lla habohloko. Ke tla hooeletsa, ho bona Pauluse.

Ho bona Santa Pauluse, moapostola oa senatla,
Kobo ea hae e ntle ea phatsima;
Ke kholoa ba bang ba tla hooeletsa
Mohla bohole re fihlang mono. (Lona ha le joalo
na?)

¹⁷² Joale:

. . . *ha ke a ka ka tsoafa ho le bolella . . . tšoanelo eohle
ea Molimo.*

¹⁷³ Na ho joalo? Joale, Bakreste, shebang nqa ena; ke batla ho le kopa ntho. Ke mang ea laetseng batho ba kolobelitsoeng kahosele le Lebitso la Jesu Kreste ho tla tla kolobetsoa hape?

[Phutheho e re, “Pauluse.”—Mohl.] U rerile tšoanelo eohle. Na ho joalo? Be? ’Me Pauluse o itseng ho . . . Ke kholoa e ne e le . . . Ha ke na bonneta joale haeba e le Bathessalonika khaolo ea 1 le temana ea 8. “Ekareha rona leha e le lengeloi le tsoang Leholidong le bolella evangeli eseles, ekareha lengeloi le theoha Leholidong le bolella evangeli eseles ho ena” (e sa laeleng batho ho kolobetsoa hape ka Lebitso la Jesu Kreste, le Evangelie boletsoeng ke Pauluse) . . . “Ekare ha lengeloi le tsoang Leholidong” (e seng e . . . ha ke sa bua ka bishopo, kapa k’hadinale, kapa mookameli ea akaretsang, kapa molisa, kapa—kapa se seng) . . . “Ekare ha lengeloi le tsoang Leholidong le bolella evangeli e hosele le Ena, le rohakoe.” Ke hantle. Na ho joalo? Seo a se buileng, ke Bagalata 1:8. Ke tsoatsoile ka e hopola. Ho lokile, Bagalata 1:8, ha u batla ho le ngola fatše, le bona seo Pauluse a se buileng.

¹⁷⁴ Joale, mona o re . . . Joale ea 27, ke a kholoa ke temana ea 27:

Hoba ha ke a ka ka tsoafa ho le bolella lona . . . tšoanelo eohle ea Molimo.

¹⁷⁵ Joale mamelang seo sena . . . Bona ke boporfeta:

Joale lona hlong le itise, le lise mohlape kaofela, holima . . . oo Moea o Halalelang . . . o le beileng balisa holima ona, ho alosa kereke ea Molimo, eo o seng o ithuetseng eona ka mali a oona ka sebele.

¹⁷⁶ E rekiloe ke mang? E ne e le mali a mang ao? Bibele e itse e ne e le Mali a Molimo. Molimo, ka Mali a Oona ka sebele. Na ho joalo?

. . . alosa kereke ea Molimo, eo o seng o ithuetseng eona ka mali a hae ka sebele.

¹⁷⁷ Bibele e itse re bolokehile ka Mali a Molimo. Na le tsebile? Ruri, E joalo. Ho lokile:

. . . eona a ithuetseng eona ka mali a hae ka sebele.

Hobane ke a tseba hobane, ha ke se ke tlohilie ho tla kena ho lona liphiri tse bohale, tse sa tloung ho genehela mohlape.

Le hobane ho tla tsoa hara lona . . . (Shebang, monna eo ea khonneng ho nyarela tlase mono mme a bona ntho eo e tla latela.) . . . hara lona ho hlahe batho, ba tla bolela litaba tse khopo, ho ikhulela barutuoa.

¹⁷⁸ [Sekheo lebanteng—Mohl.] Lilemo hamorao ha a . . . Kapa sehlopha sa banne se batlang ho bopa mokhatlo se tlosa e—e khalalelo le Moea o Halalelang kerekeng, se e bea holima eona libishopo le bomopapa le baprista, ho . . . ba tla be ba halalele, athe phutheho eona e ka iphelela borata ba—ba eona. ’Me ba tla lefa baprista eena a ba rapelle ho ntšoa liheleng, le ntho eohle joalo. ’Me ke Bonikola! ’Me Molimo o itse, “Ke bo hloile!” Joale mamelang.

“E re ke bone, mme u re, ‘Molimo o itse O bo hloile’?”

¹⁷⁹ Joale ha re boneng haeba A entse:

*Empa u ruile molemo ona, ke hobane u hloile liketso
tsa Banikola, tseo le ’na ke li hloileng.*

¹⁸⁰ Molimo o hloile mokhatlo. Ke hantle? Joale le bona hantle seo ba neng ba tla se etsa, le bona seo ba se entseng. Joale shebang ho theoha le kereke haeba ba sa etse seo. O hloile mokhatlo!

*Ea nang le tsebe, a utloe seo Moea o se bolellang
likereke; . . .*

¹⁸¹ Joale, *liphiri* tsa Pauluse li fetoha “Banikola.” Bona ba lekile ho bopa boprista bo tšoanang le ba-Levi, ketso e hohlanang le thuto ea Testamente e Ncha. Amen! Lentsoe Nicko, lentsoe la Segerike Nicko le bolela “ho hapa, ho hlola.” Ho hlola eng? Phutheho, Moea o Halalelang. Ho ’ntša kerekeng Morena Jesu ea tsositsoeng ka lipontšo le meeka hara balumeli, le ho kenya banna ba voutetsoeng eaba ho hlongoa mopapa, kapa k’hana . . . k’hadinale, kapa mookameli ea lekang ho tlosa Moea o Halalelang phuthehong ho e fetisetsa bolaoling bo bitsoang bolaoli ba batho ba halalelang, ho ba hloma *holima* phutheho; ha ba bitsoe *balisa* e leng “baalosi,” empa *ntate*; athe Jesu a itse, “Le se ke la bitsa motho ‘ntate’ lefatšeng lena.” Na le bona ntho e khopo eo? ‘Me re entseng?

¹⁸² Oh, hola re ka emisa. Ekare masiu a rona a ka be a sa shobjoa tjena, hosane bosiu nka rata ho tšoarana le khaolo ea 12 ea Tšenolo ho le supisa mosali eo oa khale oa seotsoa se lutseng holimo mane, sehcola. ‘Me o . . . lebaka la hae, hobane o febile ka mafebe . . . le Molimo, a ipitsa mohlolahali, hape e le ’m’ a liotsoa. Na ho joalo? Joale, re a tseba e ne e le Roma, hobane o ne a lutse holima maralla a supileng, le ntho eohle ka tšoanelo hantle, mme monna ea ka ho eena ke palo ea sebata, le joalo-joalo. Bohle re tseba seo ho tsoa lithutong tse fetyleng, hore e ne e le mang. Empa taba e bohloko, e ne e le ’m’ a liotsoa. Qalo ea hae e mona hantle, e qala Roma joaloka sehlopha sa Bakreste, seo ho thoeng ke Bakreste.

¹⁸³ Mamelang! Molimo nthuse ho e netefatsa! E ne e le sehlopha sa Bakreste kahara kereke e kang ena. Ba ile ba ba fofo, le monyemo, ba ikhula, ba itheela mokhatlo. Ba ntoo teanya ntho eo, Mongoaheng o Lefifi, le seteiti. ‘Me seteiti le kereke ba e ba bang le eng? Kereke ea Bokreste, “Kereke e Halalelang ea Katolike” ea bitsoa joalo, (Lentsoe *Katolike* ke, lentsoe leo le bolela, “ka lefatšeng lohle”), “kereke e kholo ea Bokreste e ka lefatšeng lohle.” ‘Me ba bitsa batho ba buang ka maleme, ba hooeletsa, ba folisa bakuli, le joalo, “mahlanya.” ‘Me qetellong ba e hatella hoo enereha motho a khaioletsoa a rapela ka tsela eo, a lahleloe lemeneng la litau, ha ba sa hamarele Bokatolike. Hloriso eo e tsoeletse lilemo tse makholo tsena tsohle morao mane. Empa Kereke eo ha e a ka ea shoa. U ke ke oa E bolaea.

Molimo o itse E tla phela hofihlela qetellong 'me O tla e nea moqhaka oa Bophelo. Ho theoha hara mengoaha eo eohle ea tlatlapo.

¹⁸⁴ Ha nto latela Martin Luther ho tsoellisa mongoaha a hula kereke tlasa tokafatso. Ha etsahalang hoba Luther a shoe? Ba e hlophisa, ho e etsa kereke ea Lutherane; ba hlomme thuto. Eitseha ba e hlophisa, ba etsang? Ba e tsoalla hantle kahara Boroma. Hantle haholo.

¹⁸⁵ Eaba Moea o Halalelang o haola o tsoa 'me Wesley a E bona. 'Me Wesley, le Whitfield, le George Whitfield, le ba bangata bao ba bang, le—le Asbury, bongata ba bona e le batsoeletsi ba baholo. Ba pholositse lefatše letsatsing leo. Ba futha tsoseletso Mongoaheng oo oa Filadelfia e pholositseng Engelane, le United States hape. Ba ne ba tšoara likopano ba kharameletsoa kantle 'me ba bitsoa "bahalaleli-bathetheli." Lona Methodise le entsoe joalo, le entse joalo; ba oela fulurung tlasa matla a Molimo, ba ba tšela ka metsi sefahlehong ba ba fokela moea. Ke hantle. Ba thefuleha ka thata tlasa eona, hofihlela ba fumane . . . hofihlela ba itse "ba reketlile." Batho ba ne ba reketla ba tsokotseha tlasa matla a Moea o Halalelang. Eo ke nalane ea Methodise. Ho tloha mono ha hлаha Quakers le ba joalo; joale ba e hlophisitse.

¹⁸⁶ Ba ile ba e fetola Methodise *ena*, Methodise ea Boholo, le Methodise ea mofuta *ona*, le Methodise ea mofuta *oane*, ea nyehla hakaale hofihlela batho ba Methodise ba batla ho hlakola "Mali" libukeng tsa bona tsa lifela.

¹⁸⁷ Mona bosiu bo bong, lenaneong la thelebishene ('Mè o ile a mpitsa.) ba hlahisitse molisa oa Methodise, hantle mona Indiana, a ntse a ruta rokon-rolo ka kerekeng. Ho re, "Ke lihlong ha re hholehile ho bona bonono bo khabane bona bo kenang kerekeng."

¹⁸⁸ Eo ke diabolosi kahara moporofeta oa bohata! Hantle! Ha ke batle ho le hlabevisa maikutlo empa, moena, ke 'Nete ea Molimo. Nka mpa ka u halefisa nakoana tjena ho etsa hore u shebisise Lengolo, mohlomong u tla lokisa litaba le Molimo, sebakeng sa ho timela qetellong. U ka tšoha u sa nthate joale, empa ka letsatsi le leng u tla nkopela ka liphaka, ho re, "Moena Branham, ke 'Nete." Ke ena hantle mona, 'me ba kena nthong eo. Ke hona moo ba . . . E teng mono feela. Bibebe e ba tlalehile ba tla e etsa.

¹⁸⁹ Ebile ho tloha ho Wesley, efela ha Wesley a entse hoo, eaba ho latela Mapentekosta. Eaba ba fumana khutlisetso ea lineo, ba qala ba bua ka maleme, kolobetso ea Moea o Halalelang.

¹⁹⁰ Joaloka tlhaku ea koro ha e mela mobung. Ntho ea pele, e a bola. E hlahissa maqoba a 'maloa. E ntano . . . U lemme tšimo ea koro, ha u nahana. Maqoba a hola a hlahissa tjellane. Ea pele mona, e ne e le Lutherane. Tjellane, e ne e le eng? Methodise; pholene, lerato la bona, ho hasa evangeli, pholene e qhalanelang ho ba bang.

¹⁹¹ Khele, esita le tlhaho e pakela mengoaha ena ea kereke. Ke Methodise e tsoang tšenyehong... kapa, ke bolela, Lutherane e tsoang tšenyehong. Methodise e hlohlorang lerato la eona la boena, le letsatsi la boevangeli, le e—le letsatsi la—la boromua. Letsatsi le leholo la boromua leo lefatše le kileng la le tseba e ne e le nako ea Methodise. Ke hantle. Ho hlohlora pholene.

¹⁹² Ho etsahetseng kantle mane? Ho pholene eo ho tsoa qoapi ea koro, Mapentekosta. Thollo, e tšoanang le e keneng. E seng lehlaku, e seng tjellane, empa thollo. 'Me joale e—e Mapentekosta a siphohile lefu la fungase hape holima thollo eo, hofihlela e... u batla u sa bone le thollo. Nako ea ho e hloekisa e fihlile! Amen! Ba ile ba etsang? Ho qopitsa se entsoeng ke Bamethodise. E mong a ba shoba sehlopha, ho re, "Re Assemblies of God." E mong, "Re Pentecostal Holiness." E mong, "Re Oneness." "Re Twoness." 'Me—'me ho fumanoa lintho tse ngata tsa *sena*, le tse ngata tsa bona. Khele! Ho kalla kamele e selota se seng, e lilota-peli, lilota tse tharo, ntho e 'ngoe le e 'ngoe. Oh, ho fumanoa mekhatlo e mashome a tšeletseng, kapa mashome a mararo, kapa e mashome a mane e fapaneng ea bona.

¹⁹³ Ba entseng? Ho e tjebela hape ho Boroma, ho kolobeletsoa ka kolobetso ea Kereke ea Roma e Katolike. Ke kopa Mopentekosta ofe ho mpontša mang ka Bibeleng ea kolobelitsoeng ka lebitso la "Ntate, Mora, le Moea o Halalelang." Ke botsa mobishopo ofe, k'halinale, moruti ofe, ho mpontša lekhetlo le ka mohla, moo e entsoeng kathoko ho kereke ea Katolike. 'Me Luther o e tlisitse le eena, o tsoile ka katekisima le ntho efe esele ho eona. Methodise e ile ea e ntsetsapele. Mapentekosta, le tlameha ho soaba! Hloekisang! Khutlelang Lentsoeng! Bakang ho seng joalo Molimo o tla tlosa ho lona kandelare, Leseli leo le le le tšoereng. Amen! Ho lokile.

¹⁹⁴ Ho tlosa Moea o Halalelang joaloka Moetapele, ho ba hlahietsa bolaoli ba banna ba halalelang, ba okamelang phutheho. 'Me le se ke la ba bitsa "molisa, baalosi," (Re loketse ho bitsoa *balisa*, "baalosi," lentsoe *molisa* le rialo.) empa "ntate, k'hadinale, arekabishopo, kapa mookameli ea akaretsang." Ba 'nete ba ne ba hloile ntho ena! 'Me Molimo oa e thasisetsa bona, 'me ha thoe, "Le 'na, Ke e hloile!" Hobane ke Eena eka khonang ebe mookameli ea akaretsang, arekabishopo, le mopapa. O sebetsa le motho ka bomong; e seng mokhatlo, empa motho.

¹⁹⁵ Joale, ho a makatsa... Mamelang, ha re atamela ho koala. Re saletsoe ke temana e le 'ngoe feela.

¹⁹⁶ Mona re fumana qalo ea tšomo ea Bokatolike, hlahlamano ea boapostola. Ba e tsebang ba ba kae? Boapostola. Joale Katolike e re "Mopapa kajeno ke mohlahlami oa Petrose, hlahlamano ea boapostola." Ha ho ntho e joalo. Takatso ea hau ea nama, ea bong e joang... Ho tlide joang ha Esau le Jakobo ba tsoetsoe ke ntate ea

halalelang le 'mè ea halalelang, athe e mong oa bona ke Mokreste
athe e mong ke diabolosi? Uh-hum. Ho ka ba joalo joang? Hobane
sebe ke sebe, bong ke bong, empa ke Molimo o hlahisang tsoalo.

¹⁹⁷ Molimo o re khetha ho qala motheong oa lefatše. Na le tsebile
seo? Emang ho fihlela re bala boranalane bana, le shebe kamoo
Irenease... kamoo a bokang Molimo ka ho mo khetha pele ho
theoa lefatše; kamoo Santa Martini le bao bohole, ba Mo bokang;
Molimo, ho boka. Ho re, "Hobane..." 'Me batho ba bua ka eena,
ho thoe, "O khethiloe pele ho motheo oa lefatše." Leo ke Lengolo.
Baena bao ba ne ba tsepame ho Molimo. Empa kereke ena ea
khale e 'ntšo e haotse lilemo tse sekete le makholo a mahlano
tsa Mengoaha e Lefifi, ho silafatsa ntho eohle joaloka lampi e
kunkelang mosi, Maseli a foufatsang. "Empa Leseli le tla hlaha
nakong ea mantsiboea," Morena a rialo.

¹⁹⁸ Hlahlamano ea Boapostola, e mong ka morao ho e mong;
mopapa e mong, 'me u tlameha ho ba setho sa lesika la bomopapa
pele u ka beoa mopapa. Oh, banna, banna! Ke bosaoana. E—
e phutheho... Hase ea halalelang le ea lokileng, empa ea...
ha re... hore—hore baprista ba ba rapelle ba ba ntše libeng tsa
bona, ho ba tšoarela libe, ho lefa chelete ea maipolelo.

¹⁹⁹ Maprotestanta a itšoanel! Ba ntse ba leka ho ba... ho
phathatsa moruti oa bona mokokotlong le ho iphelela joaloka
lefatše lohle. 'Me ha a tsebe letho ka Molimo ho feta... ho ba
boloka kerekeng ea hae le ho ba bitsa litho tsa kereke ea hae, ho
ba lumella ho lula mono a ntse a re ba pholositsoe. Ba tla soaba
hakakang ka letsatsi lela haeba ba sa tsoaloa labobel! Kantle
ho Moea o Halalelang o timetse. Ha ho ea ka bitsang, "Jesu ke
Kreste," haese ka Moea o Halalelang.

²⁰⁰ Kereke ea makhonthe Efese e ne e sa thetsoa ke lipolelo tse
soeufalitsoeng tsena, tsa bohlalefi. Eena... Ba ne ba bo hloile. Ba
ne ba sa thetsoa, ba a tseba; Kereke ea 'nete e se joalo.

²⁰¹ Mathaka ana a ne a tšoere tšenolo ea bohata, ba bitsoang
Banikola, bona bo sa khemisane le Lentsoe la Molimo.
Mpolelleng moo ho rutoang "moprista maipolelong" ka Bibeleng
mona. Le bona kae ho rutoa "hofafatsa" ka Bibeleng mona
tšoareleng ea sebe? Moo le bonang motho mang a kolobetsoa
ka lebitso la "Ntate, Mora, le Moea o Halalelang" tšoareleng
ea sebe sa hau? Moo le bonang sena, "Ho ntša letsoho le letona
la bolekane, le ho ngola mabitso a bona bukeng ea kereke" ka
mono? Nyee ena eohle le e bona kae? Ke eng? Ke boprista kapa e—
e tšebeletso ea bolisa e sa ipapisang le Lentsoe, 'me ke Banikola,
'me Molimo o itsé, "Ke ba hloile!" Khutlelang Lentsoeng. Oh,
hoo ke... Ke a tseba e thata, baena, empa ha ke—ke—ha ke a jara
boikarabelo; ho Jesu, u ka ngangisana le Eena.

²⁰² Tšenolo ea bohata, e sa bapeng le Lentsoe, empa, ba bitsitsoe
"ba leshano, baapostola ba bohata, baporofeta ba bohata." Empa
Kereke ea mannête ea tiisetza thuto ea mantlha ea Mohalaleli

Pauluse le kolobetso ea Moea o Halalelang, ka lipontšo tse omelang Lentsoe leo Pauluse a le rutileng. Amen! Mpontšeng moo Molimo o ka omelang lentsoe la hofafatsa le ka mohla. Mpontšeng moo Molimo o ka omelang le ka mohla, a hlahisa ho bua ka maleme le lintho tse kholo, ka ho tsukutlana ka matsoho feela le molisa nqa e 'ngoe le ho ngola lebitso la hau bukeng; u ntse u poroma koae, ho tsuba, ho noa, ho bolela mashano, meketjana ea likarete, boithabisonyan, ho ea . . . Oh, mohau! Eo ke moporofeta oa nama, oa bohata, motsoalle. E, monghali.

²⁰³ Tsela ea Molimo ke khalalelo. Taba ena e tsebjoe ke setho se seng le se seng sa 'Mele oa Kreste mona: pele u phela bophelo bo halalelang, Molimo o hana sehlabelo sa hau. Sehlabelo se hlahisoe ka matsoho a halalelang. Ke hore . . . ? . . . hantle. Moprista e moholo le pele a ka kena ho hlahisa sehlabelo, eka khona a halalele, 'me a inehele, a tlotsoe, a nyanyatsoe monkoane, le ntho eohle, le pele a ka kena ka pela sefahleho sa Molimo ho hlahisa sehlabelo. Na ho joalo? Ebe u ka tsoa joang mona oa qhekanyetsa, oa utsoa, oa pheha khang, oa loantsa moahisane, le ntho eohle, le ho itšoara se sa hau, u nto kena u re, "Oho Morena Molimo! Ho rorisoe Jesu! Alleluia!"?

²⁰⁴ Batho ba re, "Ke ba bona ba bua ka maleme." Ha e ba tlalehe ba ruile Moea o Halalelang le joale. "Ke ba utloa ba hooeletsa." Le joale ha e ba tlalehe ba ruile Moea o Halalelang. Moea o Halalelang ke bophelo.

²⁰⁵ Bibebe e itse, "Pula e nela lefatše hangata, ho le lokisetsa, bao le lemeloang bona," (Baheberu 6) "haele meutloa le libajoa li ea lahloa, qetello ea tsona ke ho chesoa."

²⁰⁶ "Letsatsi le chabisetsa ba lokileng le bakhopo. Pula e nesetsa ba lokileng le bakhopo." Pula e tšolloa ho melisa sejalo sa koro (re tla e bitsa joalo), le lehola lefe tšimong. Efela ha koro e fehella metsi, le lona lehola le fehella metsi. Mme eona pula e tšolohelang koro, e tšolohela le e—e tšolohela le lehola hape. Koronyana ea khale e phahamisa hlohoana e a hooeletsa, "Ho bokoe Morena! Alleluia! Alleluia! Ke thabetse pula ena!" Leholanyaala la khale le tla hooeletsa, "Khanya ho Molimo! Ho bokoe Molimo! Alleluia! Alleluia! Ke thabetse ho E fumana."

²⁰⁷ "Empa le tla ba tseba ka litholoana tsa bona." Ke hantle. "Le tla ba tseba ka litholoana tsa bona."

²⁰⁸ Temana ea 7, re ntano koala, ena ke qetello ea mongoaha kereke. Joale re tla be re tsoile metsotso e ka bang mehlano, kapa leshome, motsotso feela.

Ea nang le tsebe, a utloe seo Moea o se boellang likereke; Ea hlolang ke tla mo fa ho ja sefate sa ho phela, se kahara paradeise ea Molimo.

²⁰⁹ Joale le shebe, metsoalle, u hlola ka mokhoa ona. U tšoanelo ho hlola pele, u ntso ja tholoana. Ke mohloli. Le hopola bosiu bo bong, thuto ea rona maobane bosiu? Johanne a tlameha ho

haptjoa ke Moea pele a bona letho. 'Me u ka itulela joang, oa re, "Ha e se Baptise, ha ke mo mamele"? "Ha e se Presbeteriene, ha ke mo mamele." "Ha a sa rute seo kereke ea ka e se rutang hantle, ke . . ." U—u—u ke ke oa hlola, u ke ke oa haptjoa ke Moea le joale. U tsoile taolong ka hohle.

²¹⁰ Haptjoa ke Moea, ho re, "Morena Jesu, ke a U rata, joale ntšenolele hohle hoo U bonang ho tšoaneleha, se kenyé ho 'na hantle." Ke mohla u—ke hona mohla u ntseng u loka ka hohle. Ke hantle.

²¹¹ Lemohang, Bibele e bua hararo ho Genese ka—ka Sefate sa Bophelo, hararo kahara Buka ea Tšenolo. Re ne re e tšoere letsatsi le leng. Le a hopola? Sontaha, maobane. Eona feela . . . Diabolosi o hloile karoloana ka 'ngoe ea Lengolo, empa o hloile, hampe-mpe, Genese le Tšenolo. O hlasela Genese ka lebaka la tsepamo ea eona, o rata ha batho ba lumela E se joalo; "Genese ha e a etsahala kamoo Molimo o ba boletseng ba ttile, tlhaho ena e hlahisitsoe ke ho hong." A ntano E hlasela joalo. 'Me o tlosa batho ho Tšenolo hobane E senola: Jesu e le Molimo, eena e le diabolosi ('me o timetse), mme tlotsiso ea Kereke e hlatoitsoeng ke ho ea ho Molimo lapeng, le tšenyo ea moporofeta oa bohata, 'me bohole ba etsang leshano le lintho tsohle ba tla lahleloa letšeng la mollo. Ha ho makatse ha a ba suthisetsa hole le Eona. Empa, hopolang, libaka tseo bobeli li bua ka Sefate sa Bophelo ka hara Paradeise.

²¹² Joale ha re qotseng sena motsotso feela, 'me joale "Sefate." Santa Johanne khaolo ea 6, ha le batla ho le ngola fatše, Jesu o itse, "Ke 'na e—e—e Bohobe ba Bophelo." Joale, hopolang.

²¹³ Joale re tla taka papiso ena ka ho sebelisa litšiea tse peli tsena mona. Ka hona, pejana re koala, joale. Joale, letsohong le letona la ka tšimong ho eme sefate se bitsoang Sefate sa "Bophelo," letsohong le letšehali la ka tšimong ho eme sefate se bitsoang sefate sa "tsebo." Ba bakae ba tsebang Bibele e re ho na le Sefate sa Bophelo le sefate sa tsebo? Joale, motho o be a tla phela ka Sefate sena sa Bophelo, le ho se ame sefate sa tsebo. Na ho joalo? 'Me khetlo la pele hoba a se ame, a ikarohanya le 'Mopi oa hae. A lahleloa ke setsoalle sa hae—sa hae le Molimo khetlo la pele ha a loma tsebo. Joale, nahanang ka thata joale. Le ntse le ngola linoutšu tsa lona, ke tla le emela ho le fumana, hobane ha ke batle ha le ka e fosa.

²¹⁴ Jesu, ho Santa Johanne 6. Ba ne ba noa selibeng, ba phahamisa matsoho a bona 'me mono ba e entse sesomo, ho re, bontata bona ba noele Lefikeng la moea, le joalo-joalo. O itse, "Ke 'na Lefika le neng le le feelleng."

²¹⁵ 'Me ba itse, "Ke mona u re u ttile 'pele ho Abrahama,' koana u motho oa lilemo tse sa feteng mashome a mahlano. Feela u re u 'bone Abrahama'? Joale re tseba, seo, hobane u a hlanya, u diabolosi." Le a bona?

²¹⁶ A re, “Pele ho Abraham, KE TENG.” KE TENG o ne a sehlahleng le Moshe; sehlahlala se tukang, KE TENG. “Pele ho Abrahama a ba teng, KE TENG”; e seng “Ke ne ke le teng.”

²¹⁷ Joale, lona batho reng matsatsi a mehlolo a fetile, le tlameha ho tšoara Lengolo leo le re, “Ke ne ke le e moholo eo ke ne ke le teng.” Le a bona?

²¹⁸ Ha se “Ke ne ke le teng,” kapa “Ke tla ba teng”; “KE TENG,” mono ke ka linako tsohle. Ke oa Bosafeleng. Lentsoe “KE TENG” ke Bosafeleng, mongoaheng oa bona ohle, ka linako tsohle, likandelareng tsohle tse supileng tsa gauta, kereke e ’ngoe le e ’ngoe, tulo e ka ’ngoe, pelong ka ’ngoe. “KE TENG,” (hase “Ke ne ke le teng” kapa “Ke tla ba teng”) “Ke teng hona joale joalokaha Ke ne ke le teng kamehla.” Le a bona? “Kamehla, KE TENG.”

²¹⁹ Ba itse, “Bontata rona . . . Rona ha re u tsebe. Re a u tseba u diabolosi.” Ho re, “Bontata rona ba jele manna felleng ka lilemo tse mashome a mane.”

²²⁰ ‘Me Jesu o itse, “Athe e mong le e mong o shoele.” Ke hantle? “Bohle ba shoele. Empa Ke . . .” Oh! “Ke ’na Bohobe ba Bophelo bo tsoang ho Molimo Leholidmong. Haeba . . . Bohobe ba Bophelo. Motho ha a ejahobobe bona a ke ke a shoa.”

²²¹ “Na e be motho enoa o tla nehela ’mele oa hae, ho jeoa?” ba itse, “Joale o a hlanya, taba eo e tile.”

²²² Bohobe ba Bophelo bo ne bo tsoa ho Sefate sa Bophelo, moo ba jeleng, ho tsoa tšimong ea Edene. E ne e le Sefate sa Bophelo. Joale, efela ha Sefate sa Bophelo e ne e le Motho, le joalo sefate sa tsebo e ne e le motho. Joale le re noha e ne e se na peo! Efela ha Bophelo bo tlie ka Monna, lefu le tlie ka mosali. Ho lokile, eena e ne e le sefate sa lefu.

²²³ Hang feela hoba—hoba enoa a mo silafatse, etsoe a e entse (noha), o itse, “Noha e nthetsitse.” Ke hantle. Hase noha; o ne a feta ka bohlale liphoofolo tsohle, a le lipakeng tsa shimpanzi le motho. Peo ea phoofolo ha e tsoakane le mosali, e ke ke ea khona; empa thaka lena la khona, e le leholelo le latelang haufi le eona. ‘Me Molimo oa mo rohaka hakaale Oa mo hahabisa ka mpa, maoto ha a eo, oa tšoara lesapo ka leng ’meleng oa hae oa le fetola ho se tšoane le motho ka letho. Mahlale a leka ho le epolla masimong. E koahetsoe liphiring tsa Molimo, mahareng a Paradeise ea Molimo. Tšenolo ea lona ke eo.

²²⁴ O tsoetse mora oa hae oa letsibolo e leng Kaine (Na ho joalo?), mora oa Satane, mora Satane. Haeba ba sa etsa joalo, ebe seo—ebe bokhopo boo bo tsoile kae? Ho Adama e neng e mora Molimo? Bo tsoa ho diabolosi, ntatae. ‘Me o bolaile; ’molai oa pele e ne e le diabolosi, mora oa diabolosi.

²²⁵ Shebang ho hlahleng ka mora moo, shebang lesika la Kaine. Ho theoha ka moloko oo o latetseng, ka morao ho Kaine, e mong

le e mong ebile ramahlale le banna ba baholo. Bala Bibele. Ba hahile matlo, ba tea limetale, 'me e le boramahlale. Empa e mong le e mong ea tsoileng ho Setha, (Etsoe Abele a shoele, papiso ea Jesu, o shoele; mme Abele o shoele, eaba Setha o tlatsa litulo tsa hae: lefu, lepato, le tsoho.) . . . ho eena ho tsoile bafutsana ba ithobileng, baalosi ba manku ba tsoa mono.

²²⁶ Joale Jesu o itse, "Bontata lona ba jele manna felleng 'me bohle ba shoele. Empa Ke 'na Bohobe ba Bophelo," (Bohobe bofe ba Bophelo? Ho tsoa Edene!) "hore motho ea jang Bohobe bona a ke ke a shoa le ka mohla." Joale, Molimo oa bea Lengeloi ho lebela Sefate seo sa Bophelo, ho se lisa motho a se ke a se ama, esere ba ja Sefate ba phela kamehla. Na ho joalo?

²²⁷ Hoba, ba kile ba tlameha ho tsoelapele ka sefate sena 'me ba shoa. Na ho joalo? Hoba, ha feela ba tlameha ho ja ntho eo, ba shoele. 'Me ruri joalokaha u shoa hobane u ja sefate seo sa tsebo . . . Joale, ha re shebeng sefate seo sa tsebo joalo. Ho sheba na se entseng. Joale ha re shebeng se entseng. Ntho ea pele, ha re shebeng, sona . . . Be, ha re boneng seo ba . . . se sibolotse mosili oa sethunya. O bolaeang molekane oa rona. Ke hantle, ho bolaeana ka mosili oa sethunya, ho tsoa sefateng seo sa tsebo. Ntho e latelang e entsoeng, khele, ha re boneng, re—re sibolotse koloi, ho tsoa sefateng seo sa tsebo. E bolaea ho feta mosili oa sethunya. Oh, yaa! Joale, re futhile bomo ea haedrojene. Molimo ha u senye letho, motho o itšenya ka tsebo ea hae.

²²⁸ Empa tsohle tse e leng tsa Molimo, Molimo o tla li tsosa hape; Molimo ha o lahleheloe ke letho. Jesu o itsalo, ke hantle, "Ea jang Bohobe bona o na le Bophelo Bosafeleng, 'me 'na Ke tla mo tsosa letsatsing la qetelo." Eo ke tsepiso. Joale, Molimo . . .

²²⁹ Ba hatetse pele haholo, ba ja sefate sa tsebo 'me ba shoa. Empa hang ha ba ka fihla Sefateng sena, ba ka phela kamehla.

²³⁰ Joale sebakeng sa Lengeloi le ba thibelang Sefate sena kantle mane, le teng kantle mane ho ba qhobela ho Sefate sena; mangeloai a likereke, likereke tse supileng, ho ba khutlisetsa Lebitso la Jesu Kreste e leng Sefate sa Bophelo se emeng hara Paradeise ea Molimo. Shuu! Khele! Ke tsepa le tšoara seo. Sefate sa Bophelo se eme hara Paradeise ea Molimo le tle le nke kabelo ho Eena le be mora le morali oa Molimo 'me le phele kamehla. "Ea utloang Mantsoe a Ka 'me a lumela ho Ea Nthomileng o na le Bophelo Bosafeleng, 'me a ke ke a tla kahlolong empa o tlohile lefung ho kena Bophelong."

²³¹ Moena, khaitseli, joale ke a . . . ke . . . Ehlide, ke se . . . Ke—ke le hlabilo, ka le hlabevisa. Ke—ke ne ke sa ikemisetsa ho e sebetsa joalo. Le a bona? Molimo o tseba seo, empa ke tlameha ho e sebetsa tjena ho le bonts'a moo re leng teng. Ha ke lumele re saletsoe ke ho lula halelele hakaalo. Ha ke leke ho thunthetsa bokreste ba hau hobane u le setho sa mokhatlo. Hase eona. Batho

ke liphofu tsa maemo. Ha ba tsebe seo ba ka se etsang; sohle seo batsoali ba kileng ba se etsa ke ho ingolisa kerekeng le linthong.

²³² Empa, moena, ntho e le 'ngoe pele re tloha, ke hlahise qotsø e le 'ngoe ena hape. Moporofeta o itse . . . Na le lumela baporofeta? Bibele e itse ba mameloe. Moporofeta a re, "Ho tla fihla mohla ho ke keng ha thoe ke motšeħare kapa bosiu, feela e be letsatsi le batlang le lerothofetse. Empa nakong ea mantsiboea, pejana letsatsi le likela, Leseli le tla chaba." Na ho joalo?

²³³ Joale shebang na re fumaneng. Joale, ha re shebeng. Ebe letsatsi le etsang . . . Letsatsi le chaba kae, ho ea ka thutafatše? Ka bochabela. Ho joalo na? Le likela bophirimela. Eka nka be ke tsoere . . . Hosane bosiu ke tla nka 'mapa ke le bontše. Mohla Moea o Halalelang o nong o tšoloha Jerusalema, O takile robeli e phethehileng, mocha oa Oona. O tloha o haola ka kotloloho holimo ho kena Ireland, ho potoloha o khutla hantle, hantle ka koana, o ntano fihla Lebopo Bophirima, ebe moo o khohlelang hape hantle; motako o phethehileng oa robeli moo Evangelie fihlileng teng. Joale, tsoelopele e haotse le letsatsi. Ba e tsebang ba ba kae? Le rutiloe 'me le a e tseba. Tsoelopele ea rona ea khaleng ke Chaena, ho tloha moo e haola bochabela hantle. 'Me ha Moea o Halalelang, e seng s-u-n, empa S-o-n . . .

²³⁴ Ha letsatsi, e leng s-u-n, le qala le chaba hara moholi le mouoane oa bosiu, ho sa tsotelehe peo e robetse kae, e tla phela; hobane bophelo bohole ba limela bo phelisoa ke letsatsi. Re tseba seo. U ka tšela konkreiti holima sekotoana sa joang, sehla se latelang, joang bo mahlahahlah kae? Hantle kantle ntlheng ea konkreiti. Hobaneng? Ke bophelo bo ka tlase mono, u ke ke oa pata bophelo ba mannete. Bopheloana boo, hang ha bo tsebile hoba letsatsi le chabile mono, bo ka tsoelikana halofo ea boloko ba motse, bo ralla tlasa konkreiti eo bo ntoo sunya hlohoana hantle sebakeng 'me bo qale bo rorise Molimo.

²³⁵ U ke ke oa pata Bophelo. Ke hantle, BOPHELO. Ha u tsoaloa labobel u ke ke oa Bo pata. Ha u fumane Bophelo ntho e teng e tlamehang ho hlaba litlatse.

²³⁶ Joale, lintho tsohle tse shoeleng joalo, le e-e lipeonyana li phatlohile, nama ea tholoana e phorotsehile, e shoele, empa bophelo bo sa le teng mono. Joale, letsatsi ha le qala le chaba selemo, lipalesana li a rutluloha, sohle se boela se hloelisa (ho tsoa tlasa liphatsa, tlasa likoqo, tlasa majoe), bo tla boela bo tsoha, bo phela hape. Na ho joalo? Hobane ho chabile s-u-n.

²³⁷ Joale, ka letsatsi le leng ho tla chaba S-o-n, e leng Moqali oa Bophelo Bosafeleng, 'me sohle se tsoselitsoeng ho Eena Bophelong Bosafeleng, O itse, "Ke tla se tsosa hape letsatsing la qetelo." Le bona seo ke se bolelang? Bophelo Bosafeleng bo tla tsosoa hape matsatsing a qetelo. Leha ba ka u pata leoatleng, kapa ba chesa 'mele oa hau 'me u lahlela meeng e mene ea lefatše, Molimo o tla bo tsosa hape letsatsing la qetelo. Leha u ka

tšoanelo ho fepa mala a tau e lapileng, kapa—kapa ho lahleoa likoting tse tukang tse ka timeletsang e—e—e lipetroliamo tse leshome le metso e tšeletseng le maseli a k'hosmiki le sohle seo u leng sona, Molimo o tla bo tsosa. “Esita le meriri ea hlooho tsa lona e baliloe.” Amen! Molimo o tla bo tsosa!

²³⁸ Joale, shebang mona. Joale, efela ha motho e mong le e mong a eshoa ka mosali, le joalo motho e mong le e mong o phela ka Monna. Ho nka kabelo ho mosali bophelong ba mofuta oo, u a tseba hobane u tla shoa. Ha ho mokhoa ho e koekoetla, u tla shoa. ‘Me ruri ha u nka kabelo ho Seo, u tla phela; ha ho mokhoa oa ho e koekoetla, u tlameha ho phela. Amen! Efela hoo ha ho hlahisa lefu le tiileng, Hona ho hlahisa Bophelo bo tiileng. Ke eona feela tsela ea ho bo amohela, ke ka ho fumana Bophelo.

²³⁹ Joale, moprofeta o boletse, ha thoe, “Leseli le tla chaba nakong ea mantsiboea.” Joale shebang. O itse, e tla ba letsatsi le rothofetseng, le ke keng la bitsoa motsehare kapa bosiu. Le batla le sithabetse maru, moholi, letsatsi le batang, empa koana Mora o chabisa Leseli. Hole koana holima mouoane oo le joalo, Mora o chabisa Leseli. Ho chabisa Leseli le lekanang ho u tsamaisa, ‘me u ka bona moo o eang teng, le joalo, empa koana ha se—ha se letsatsi le khanyang, le hlakileng. Le a bona? Joale, letsatsing le joalo ho batla ho se letho le ka phelang.

²⁴⁰ Ha u jala ntho e sa fumane letsatsi, e a khokhofana. Ha ho joalo na? Lona lihoai le a tseba. Bea koro meriting kapa nqa e ‘ngoe, sheba, e a khutlahana. Fred, u e tseba ka koro ea hau. Ha u e bea kantle mane, ‘me lehlabula le le lebe, oh, ho bata le pula e na, le a e khutlahanya.

²⁴¹ Be, ke bona bothata ba kereke ho theoha le mongoaha ena, e khutlahantsoe. E khokhofantsoe ke mekha ea malumeli, “Ho ngola lebitso la hau bukeng. Ra chabeloa ke Leseli le lekaneng feela ho tseba hoba Molimo o teng.” Ke thabetse seo. “Ra chabeloa ke Leseli le lekanang ho tseba Kreste a le teng, kahlolol e a tla. Ra chabeloa ke Leseli; ka hona re ngola mabitso a rona libukeng, ra tsukutlana le moruti ka matsoho, le joalo, ra etsa hoo.” Ho lokile, empa joale ho tlide nako ea mantsiboea.

²⁴² Joale, tsoelopele e qala bochabela e habile bophirimela, ‘me joale re Lebopo Bophirima. Re ke ke ra tsoela pejana; re a tšela, re khutlet Bochabela hape. Re ke ke ra tsoelapele ho feta, re Lebopo Bophirimela.

²⁴³ Joale, Bibele e itse, “Leseli le tla chaba nakong ea Mantsiboea.” Joale, nakong ea mantsiboea ho chaba letsatsi la mofuta mang? Na ke letsatsi le fapaneng le le chabang hoseng? Ke letsatsi le tšoanang. Na ho joalo? Be, ka hona, ebe Molimo o tšepisitseng? Joale re tlil’o fumana sena, e tšoare, hantle tlase mona mongoaheng *ona*. Bibele e itsalo, ke tla e kholisa, mongoaha ena ea kereke, ha re tsoelapele, ho re, “Leseli le tla chaba mantsiboea Bophirima le tla khutlisa Letsatsi la ho Loka

le nang le pholiso mahlaseling a Lona. 'Me tsona lipontšo le meeka e entsoeng motšeо mona Bochabela e tla etsoa mona Bophirima, ka tšoloho e 'ngoe ea Moea o Halalelang letsatsing la qetelo."

Leseli le tla hlaha nakong ya mantsiboea,
 Tsela e eang Khanyeng le tla e fumana ruri;
 Tsela-metsing eo, Ke Leseli kajeno,
 O patiloe ka Lebitso le tlottlehang la Jesu.
 Bacha le baholo, bakang sebeng sohle sa lona,
 Ruri Moea o Halalelang o tla kena ka hare;
 Maseli a mantsiboea a tlie,
 Ke nnete Molimo le Kreste ba Bang.

Oh, Leseli le tla chaba nakong ea mantsiboea,
 Tsela ea Khanyeng le tla e fumana ruri;
 Tsela-metsing ena Leseli le teng kajeno,
 O patiloe ka Lebitso le tlottlehang la Jesu.
 Bacha le baholo, bakang sebeng sohle sa lona,
 Ruri Moea o Halalelang o tla kena ka hare;
 Maseli ao a mantsiboea a tlie,

²⁴⁴ Sona seo Petrose a se boletseng, "Ho ke ho tsebjoe ke lona, hore Molimo o entse Jesu enoa, eo le mo thakhisitseng, Morena le Kreste moho. Bakang, e mong le e mong oa lona," a rialo, "le kolobetsoe ka Lebitso la Jesu Kreste ts'oareleng ea libe tsa lona."

²⁴⁵ Ha nke ke le bolelle taba. Joalokaha ke buile letsatsi le leng ka *motsoako oa ngaka*. Batho ha ba rate ho nka motsoako oa ngaka. Haeba a tšoere e—e sehlare se phekolang maloetse a hau, 'me u ha-hholeha . . . u hana ho u noa, ha u shoa hase molato oa ngaka. Che, monghali. Ke molato oa hau, hobane u hana ho noa.

²⁴⁶ 'Me joale, ha ngaka e ngola motsoako 'me e . . . 'me u isa motsoako o ho ngakana-ka-hetla, a sunya se sa tšoanelang mono, se tla u bolaea, le teng. Na ho joalo? Ngaka eo e ithutile hofihlela e tseba chefu e le kana motsoakong oo, ho bolaea likokoana 'meleng oa hau; pheko e teng ka mono ho thethefatsa chefu ho se u bolaea. 'Me teka-tekan e tlameha e be teng. Ha u tšela pheko tlolo, ha e thusen mokuli oa hau; ha u tsoaka chefu e ngata, e tla mo bolaea. E loketse ho lekanngoa.

²⁴⁷ Potso e ne e le ena, "Ana ha ho setlolo Gileade? Ha ho ngaka teng?" moporofeta o itsalo. "Hobaneng lefu la morali oa Ka le sa fole." Molato ke'ng ka kereke? Ra fumana likereke tsa khale li kula li le ngata hakaale keng? Hobane ramethokho ke moshaqane ea tsoakang Motsoako ka phoso. Ke hantle. Ha eso re, "Ntate, Mora, Moea o Halalelang." O . . .

²⁴⁸ Motsoako o itseng? Petrose ke enoa. Ba mo tsebang a ne a tšoere linotlolo tsa 'Muso ba bakae? Jesu o itsalo. Ebe O itseng? Ka mantsoe a mang, o kokositse pene ea enke ea Motsoako.

²⁴⁹ Hoba taba ena e utluoe hohle, (Ba ne ba hlabo litlatse, ba hooeletsa, ba bua maleme, ka monyaka o moholo.) 'me ba itse, "Batho bana ba khotše veine e tsoai."

²⁵⁰ Petrose a re, "Batho bana ha ba tahoa, joalokaha le lekanya, etsoe esale hora ea boraro ea letsatsi. Empa hona ke hoane ho boletsoeng ke moporofeta Joele, 'Letsatsing leo la bofelo,' ho bolela Molimo, 'Ke tla tšela nama eohle ka Moea oa Ka. Ho be ho porofete bara ba lona le barali ba lona, ke tla tšela Moea oa Ka holima bahlanka ba ka batona le ba bats'ehali, 'me ba tla porofeta. Ke tla etsa lipontšo holimo maholimong, le tlase lefatšeng; mollo, le mosi, le mouoane. 'Me e mong le e mong ea ba bitsang Lebitso la Morena ba ke ke... ba tla bolokeha.'"

²⁵¹ Hape o boetse a bolela tsa Davida, a re, "Mopatriareka Davida o e bonetse pele, 'me o itse, 'Esita le eona nama ea ka e tla phomola ka tšepo hobane O ke ke oa tlohela moea oa Ka liheleng, Mokhethoa oa Hau o ke ke oa Mo lesa hore a bone ho bola.' Ha nke ke le bolelle phatlalatsa, bana beso, ka mopatriareka Davida. O ne a shoe a ba a patoa, 'me lebitla la hae le sa ntse le le teng hara rona hofihlela letsatsi la kajeno. Le a bona, empa eena, erekaha e ne e le moporofeta, o bone tsoho ea Kreste pele. Le ke le tsebe ke hona, hoba Jesu enoa, eo le mo thakhisitseng ka matsoho a bokhopo, Molimo o Mo entse Morena le Kreste mmoho."

²⁵² Eitseha ba utloa hona, ba hlajoa lipelo, 'me ba re, "Banna ba heso," kapa, "Ngk. Simone Petrose, re ngolle Motsoako. Ntho Ena re ka e fumana joang? Re batla pheko ea sebe." Oh!

²⁵³ Joale mo shebeng, seo a se buileng. Joale le fumana moo likereke tsena li khelohileng tsela. A re, "Beang butle motsotsot! Ke tla ngola Motsoako, 'me e tla ba Motsoako o sa Feleng. O tla ba bakeng sa lona, le bana ba lona, le ba leng hole kaofela, le bao Morena Molimo oa rona a tlang ho ba bitsa."

²⁵⁴ O itseng? Ebe o tsoakile joang? Joaloka Katolike ha e o tšoere? Joalokaha Baptise e o tšoere? Joalokaha Methodise e o tšoere? E mong le e mong oa bona o ekelitse selo kapa o tlositse selo ho Ona. Joaloka Mapentekosta? Ba ekelitse kapa ba fokolitse. Empa o itseng? "Bakang, e mong le e mong oa lōna, le kolobeletsoe ka Lebitso la Jesu Kreste tšoareleng ea libe tsa lōna, 'me le tla nka neo ea Moea o Halalelang." Motsoako o sa Feleng! "O etselitsoe lona, le bana ba lona; o tla tsoella o theoha le mongoaha o mong le o mong oa kereke, le O noese e mong le e mong oa bona."

²⁵⁵ Oho Molimo, hloekisa matsoho a ka. Hloekisa pelo ea ka, Morena. Ho ke... Leha e ka nqosa motsoalle e mong le e mong, ke ntše Motsoako kamoo Ngaka e O laetseng ho ntšoa.

²⁵⁶ Lebaka leo likereke tse ngata hakana li shoeleng, litho tse ngata hakana tse shoeleng. Le tsoaka pheko, le O fokotsa hofihlela Motsoako o sa itsebe o hang, o ke ke oa folisa letho; ho tsukutlana ka matsoho, ho ingolisa likerekeng, le hofafatsa. Oh, mohau, hase Motsoako oo, leo ke lefu. Ha u batla Bophelo, u batla

Moea o Halalelang, latela seo Molimo o se boletseng ho etsoa. Nka Motsoako! O e boletse joalo hantle, "U se ke oa E eketsa kapa oa E fokotsa." Eaba Tšenolo e fihla hantle a re, "Ekareha e mong a eketsa, le eena ho tla tloso (kabelo ea hae) Bukeng ea Bophelo." Oh, banna, eo ke Ngaka ea *sehlooho*. Oh, ke a Mo rata. Lona ha le etse?

²⁵⁷ Oh, mongoaha o moholo oo, oa Mongoaha oa Efese, mohla bokoenehi bona bo qalang bo khasa bo kena, ho etsa mekhatlo. Le balisa le batikone... kapa e seng batikone, empa molisa... e seng balisa, empa dik'hadinale, libishopo, bomopapa, baokameli ba kereke, ba bolellang Moea o Halalelang, ho bolella Kereke, "Joale, le ke ke la tšoara ntho eo ka mona!" Moetapele ke mang, le hona?

²⁵⁸ Petrose o botsitsoe khetlo le leng. Ha thoe, "Ha u sa tla hlola u bolela Lebitso la Jesu hape. U ka rera ha u batla, empa e seng ka Lebitso la Jesu." Oh, diabolosi o hloile Lebitso leo!

²⁵⁹ Petrose a re, "Na ke tšoanelo ho 'na..." Bibele e itse, "Petrose ea tletseng..." (mokha oa bolumeli?) Oh, ah, "...Moea o Halalelang." A re, "Bea butle, ke tla ea rerisana le mookamelia akaretsang, ho bona seo a mpolellang ho se etsa ka Sena."

²⁶⁰ Ha nke ke u bolelle. Na le tsebile Assemblies of God e ahloleloa ke saek'haterisi, 'me ba hlahisa baromuo ba bona pel'a saek'haterisi, ho bona haeba monna eo a le bokhoni kelellong ho rongoa boromuo? Pentecostal Assemblies of God. Ba bakae ba utloetseng nyee eo? Ehlide, e hohle, e tsejoa ke mang le mang. Ehlide. Moromuo a ka hlahlojoa ke mang e ntano ba moahloli, ke sak'haterisi kapa Moea o Halalelang? Le a bona, ke sona seo u se fumanang, ha u inkela motho. Le a bona, likhopolo tse qapuoeng ke motho, lithuto tse iqalloang ke motho. Emang hofihlela re theohela mongoaheng oo oa Pentekosta! Molimo o tla chesa ntho eo ruri joalokaha lefatše le le teng. E, monghali. E, bo. 'Me le tla bona hobane e hotelitsoe ke mollo ho theohela fats'e. Uh, hum. Hantle.

²⁶¹ Empa tsatsi le leng le khanyang O tla khutla. 'Me hopolang, mamelang, mengoaha ea kereke e supile. Na ho joalo? Mengoaha ea kereke e supile. 'Me le hopole mohla ho khahlanyelitseng Monyalua—Monyali, ba bang ba robetse tebelong ea pele (Na ho joalo?), tebelo ea bobeli, (Ehlide, hase—hase ho shoa, ba robetse.) tebelo ea boraro, tebelo ea bone, tebelo ea bohlano, tebelo ea botšeleta; mohoo o utloahetse tebelong ea bosupa, "Bonang, Monyalie ke eo! Tsoang le Mo khahlanyetse!" Ho etsahetseng? Baroetsana bao bohle ba ronetseng, ba phaphama.

Hoseng hoo ho se nang maru mohla bafu ba
ho Kreste ba tsohang (Ho se maru, Maseli a
mantsiboea a tla be a chabile.)
Letsatsi la Bosafeleng, le tla chaba ka khanya;

Ha bakhethuoa bao ba tla kopana holimo,
Mabitso ha a baloa, ke tla ba teng.

Mabitso ha a baloa teng,
Mabitso ha a baloa teng,
Mabitso ha a baloa teng,
Mabitso ha a baloa, ke tla ba teng.

Ha re sebeletseng Morena lets'ehare lohle,
A re boleleng tsa lerato la Hae;
'Phelo ha bo fetile, re qetile mosebetsi,
Mabitso ha a baloa teng . . .

Ngoana e mong le emong oa Molimo phahamisa matsoho a hau joale:

Mabitso ha a baloa teng,
Mabitso ha a baloa teng,
Mabitso ha a baloa teng,
Mabitso ha a baloa, ke tla ba teng. (Oh!)

Koana monateng, monateng,
Re se re tla kopana bohle;
Koana monateng, monateng,
Re re re tla kopana bohle.

²⁶² Na le rata lifela tsa khale tse monate tsa kereke? Oh!

Ho Ntata rōna ea mosa holimo,
Re tla isa thoriso tsa rōna,
Ka neo ea lerato la Hae,
Ka maseho a sitsang tsatsi la rona.

Koana monateng, monateng,
Re se re tla kopana bohle;
Koana monateng, monateng,
Re re se tla kopana bohle.

Joale tsukutlanang le motho ea haufi ka matsoho, hohle ka mokhoa oo. Ke botle.

Koana monateng, monateng, (E reng, "Ke tla kopana le uena moena.")
Re se re tla kopana bohle;
Koana monateng, monateng,
Re se re tla kopana bohle.

Re tla bina lebopong leo,
Lithoko tse monate . . . (E mong le e mong a bine joale.)
Meea rona ha e sa tla hlora hape,
Ho fehelo phomolong ea rona.

E mong le e mong, u phahamisitse matsoho a hau:

Koana monateng, monateng,
 Oh, re se re tla kopana bohle;
 Koana monateng, monateng,
 Re se re tla kopana bohle.

²⁶³ Re inamisitse lihlooho, ha re re: Morena Jesu, [Phutheho e re, "Morena Jesu,"—Mohl.] Ke a U rata. ["Ke a U rata."] Ke a lumela ["Ke a lumela"] hore Jesu Kreste ["hore Jesu Kreste"] ke Mora Molimo, ["ke Mora Molimo,"] Molimo o bonahetseng ["Molimo o bonahetseng"] ka nama ["ka nama"] ho tlosa sebe sa ka. ["ho tlosa sebe sa ka."] Ha ke a ts'epa liketso tsa ka, ["Ha ke a ts'epa liketso tsa ka,"] Ha ke na letho, ["Ha ke na letho,"] empa ka sebete ["empa ka sebete"] ke ts'epile ["ke ts'epile"] mesebetsi ["mesebetsi"] ea Jesu Kreste ["ea Jesu Kreste"] e leng Mopholosi oa ka, ["e leng Mopholosi oa ka,"] Molimo oa ka, ["Molimo oa ka,"] Khosi ea ka. ["Khosi ea ka."] Ke a Mo rata. ["Ke a Mo rata."] Amen. ["Amen."]

²⁶⁴ Hosane bosiu ka hora ea bosupa, ha Morena a ratile, re tla nka kereke ea Smirna.

Koana monateng... (Re inamisitse lihlooho
 joale)... Oh, monateng,
 Re se re tla kopana bohle, monateng;
 Koana monateng, monateng,
 Re se re tla kopana bohle.
 Joale tlase, e mong le e mong, ka mosa:
 Oh, ho Ntata rona ramenono holimo,
 Re tla isa thoriso tsa rōna,
 Ka lineo tsa Oona tse ntle tsa lerato... .

[Moena Branham o a tsamaea nakong eo phutheho e tsoellang ka lehlaso—Mohl.]



MONGOAHA OA KEREKE EA EFESE SST60-1205
(The Ephesian Church Age)
THERO LETOTO TSHENOLLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Mantaha mantsiboya, Tshitwe 5, 1960, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org